

PHEGELELO

 Ditebogo. Ke a go leboga, Ngwanešu Joseph. “Bjale ke a dumela.”

Bjale ke a dumela, bjale ke a dumela,
Dilo tšohle di a kgonega, bjale ke a dumela;
Bjale ke a dumela, bjale ke a dumela,
Dilo tšohle di a kgonega, bjale ke a dumela.

² A re inamišeng dipelo tša rena bjale ka Bogeneng bja Gagwe. Tate wa rena wa Legodimong, re leboga Wena gape, bošegong bjo, ka baka la gore O bile le rena go kgabola letšatši, gomme o ile wa hlahla dikgato tša rena. Gomme re kgobokane mmogo gape, bošegong bjo, Leineng la morategi Morena Jesu. Gomme re fa ka tlase ga ditetelo tše kgolo. Re lebeletše bjale bakeng sa nako ye O tla re fago sehloa sa kgobokano mmogo ye, yeo ge O tla fodiša balwetši, batho bohole ba ba tlaišegago bošegong bjo. A nke go se be le motho wa sekoka a šetšego magareng ga rena bošegong bjo. A nke tumelo ya bona e sepelele godimo, Morena, go tloga... gomme ba se ke ba lebelela mathata a bona gape, eupša go Yena Yo a... ke Moreku, goba Kalafi, bakeng sa mathata a bona. Gomme, Modimo, re a rapela gore O tla re ngwathele Borotho bja Bophelo, ka boswa, go tšwa Lentšung la Gago, le le tla re hlohleletšago. “Ka gore tumelo e tla ka go kwa, gomme leo ke Lentšu la Modimo.” Gomme re tla Go tumiša, ka gore re e kgopela Leineng la Jesu. Amene.

³ Le ka dula. Ke thabile kudu go ba morago fa bošegong bjo. Ke sa tšo feta hleng le lemati ntłe fale, dinakwana di se kae tša go feta, gomme go be go le lešaba le legolo la batho le nyauma tikologong, ba sepela godimo le tlase mekgotheng. Gomme mo—mo mootledi wa pese o boletše seo, goba... Ntshwareleng. Mootledi wa koloi o rile, “Bona batho ga se ba tla kerekeng, a ba dirile?” Ke rile, “Ee, mohlomphegi. Ga ba kgone go tsena ka gare,” ke boletše. Batho ba tteleimile gore batho ga ba nyake go ya kerekeng. Le a bona? Eupša ba—ba... Ke a dumela gore Ebangedi efela ke—ke maatla a magologolo a gogago a lego lefaseng, efela ka bonolong bja Yona.

⁴ Re bile le nako ye kgolo mo difihlolong tša Banna ba Kgwebo ba Full Gospel mosong wo. Morena o re šegofaditše. O kopane le rena kua ka tsela ye kgolo. Ba rekišitše, ke a dumela ba rile, dithekethe tše makgolo a lesomešupa, gomme ba dumelatše ka gare makgolotharo gape, gomme morago ga se ba ke ba dumelala yo motee gape, gomme ba be ba eme ka mekgobeng le go dikologa mejako. Gomme—gomme Morena, ge re dirile pitšo ya aletara, o re file ba bantši, go emelela, go amogela Bophelo bjo Bosafelego. Kafao re leboga kudu bakeng sa seo.

⁵ Gomme—gomme ka gona ke nyaka go leboga ngwanešu tsoko. Ga se a kgone go tsena ka gare ntle kua, ga ke nagane. Gomme o—o file Billy, lebakana la go feta, lepakana la dikolo tša .22, bakeng sa ka. Gomme ke na le tšona morago mo. Ke tla ipshina ka tšona, nnete. Ke go leboga kudu, ge o le ka ntle gomme o kgona go e kwa, goba ka gare, efe kapa efe e lego yona. Ka kgonthe ke . . .

⁶ Yeo e bile tšhegofatšo ye kgolo go nna, dinako tše dingwe, go thunya senepša. Gomme, bjale, o swanetše go ba le se sengwe mohuta wa go tloša kgatelelo. Gomme kafao yeo ke tsela ye ke e dirago, nako ye nngwe ge ke hwetsa sebaka, gomme ke a kgona, gobaneng, ke kitimela ntle polaseng le go thunya lebakana le lennyane, feela go no tloša meetsemoya. Wena . . . ke a dumela Jesu o rile, “A re aroganeng re yeng ka lešokeng lebakana.”

⁷ Bjale, re le rata kudu! Gomme gosasa ke Lamorena, gomme yo mongwe le yo mongwe o nyaka go ya kerekeng ka Lamorena. Gomme ke a tseba, goba nnete gabotse, bohole le tseba moo ke—ke (ke leka go re kereke ya matlapa, ke) Rock Church ke yona. Yeo ke kereke yeo e thekgago kopano ye ka tšhelete, ke a thanka, gomme ba bangwe ba etile fa. Gomme lena basetsebje le lego ka ntle ga toropo, bao le tlago ka gare kopanong, gomme ge le sa . . . Bjale ge o na le lefelo la mošomo, o ya kua. Seo ke se o swanetšego go se dira. Ka mehla ema lefelong la gago la mošomo. Woo ke mosomo wa gago—woo ke wa gago go Modimo le go modiša wa gago, go phuthego ka moka. Eupša ge o se ne lefelo e ka ba lefe go ya, ke ne kgonthe o tla amogelwa ka kgonthe go Rock Church, bakeng sa . . . Ke a thanka ba tsebišitše ditirelo.

⁸ Gomme—gomme lena batho bao le pholositšwego ka go dikopano tše, ga re tsoge ra tseba. Bjale, ka mehla re dira pitšo ya aletara, se re se bitšago pitšo ya aletara, le a bona, gomme seo—seo se lokile. Ga ke ne selo kgahlanong le seo. Seo se lokile. Eupša ke a dumela, ge le ka elelwa Lengwalo, ga—ga se ba be le pitšo ya aletara. “Ba bantši ba ba dumetšego, le a bona, ba ile ba oketšwa kerekeng.” Badumedi!

⁹ Gomme—gomme ge o se ne kereke, gabotse, ke ne kgonthe gore Ngwanešu Vick o tla go amogela go kereke ya gagwe, goba e ka ba ofe wa banna ba bangwe ba tikologong fa. Ge eba o sa nka wa ba le kolobetšo ya Bokriste gabjale, ba botšiše. Gomme le se ke la ema. E nong go tšwelapele le eya, e nong go tšwelapele le pinyeletša go ya pele.

¹⁰ Ga re tsoge ra tseba, ebile ga re tsoge ra tseba ke ba bakae ba fodilego. Gomme lena badiša, baena, e nong go elelwa, ge kopano e fedile, mohlomongwe dibeke, yo mongwe o tla godimo go lena, boka mohumagadi yo monnyane, gomme o re, “O a tseba, ke be ke fela ke eba le bothata bja sehumagadi. Ga bo sa le gona gape.” Yo mongwe, “Ke—ke, le a tseba, gateetee, ke nno se sa nyaka disekerete gape. Yohle e nno ntlogela.” Le a bona? Bona,

ba fodišitšwe, ba bantsi kudu, o ka se kgone go ba bitša. O a bona, e no ba mogohle. Gomme ga se ka ke ka tsoge ka ba le kopano gabjale eupša ye e bego e le dipolo morago ga fao, moo Morena a fodišitšego batho gomme ba be ba sa e lemoge thwi nako yeo, eupša ba—ba bile gabotse. Gomme selo sa pele le a tseba, ba be ba le, ba no emeleta le go sepela, gomme go fedile. Eupša mohlomongwe ga ba e kwešše thwi nako yeo, eupša, ke, pele le pele go fedile.

¹¹ Ke a elelwa, ka Finland, kgale kudu. Ke a thanka go na le batho ba Finnish fa. Go be go le mošemane yo monnyane a tsošitšwe go tšwa bahung. Go molaleng le badile—le badile puku ya yona. Ditaba di ile ka gare, tšohle ka go Russia. Eupša ke e bone ka ponong pele e direga, mengwaga ye mebedi, gomme ke e boletše go kgabaganya setšhaba.

¹² Ke elelwa mosetsana yola yo monnyane wa Mofinnish, bošegong bjola a eme ntle fale ka holong, gomme o be a na le leoto le tee le be le ka ba diintšhi tše tshela goba tše seswai bokopana kudu go feta le lengwe. O be a na le seeta se segolo se se agilwego, le—le lentiana go mo dikologa, gomme le letee ka monwaneng wa gagwe, huku ye nnyane. Gomme o bile le—le lepanta godimo ga legetla la gagwe, le go tla go kgabaganya ka tsela *ye* le tlase go ya ka go monwana wa seeta sa gagwe. O be a na le dikota tše pedi. Gomme moisa yo monnyane wa go šokiša wa go lebega mankgeretla. Gomme nako ye nngwe le ye nngwe ge a be a eya go sepela, o be a swanetše go phagamišetša leoto lela godimo ka legetla la gagwe, lenti lela; gomme ka gona a le kgorameletša ntle ka mokgwa *wola*, le go le bea fase, gomme morago a bea lehlotlo fase. Gomme re ile ra swanela go . . .

¹³ Re be re le go se ba se bitšago (bjale ngwanešu wa Mofinnish, kgaetšedi fa, ga—ga ke bitše se gabotse) Messuhalli, gomme e sepediša alfabeto yohle. Gomme ba be ba tla dumelela e ka ba dikete tše masomepedi go tla ka gare, goba e ka ba eng e bilego; gomme morago ba ba le bona ba eya ntle, gomme morago ba ntumelele go bolela le dikete tše dingwe tše masomepedi.

¹⁴ Gomme mošemane yo monnyane o be a tsošitšwe go tšwa bahung, ka Kuopio, o be a bolailwe ke sefatanaga. Gomme, oo, nna! Ga ba gaše rokenrole le dilo kua, e no ba ditaba le dilo, kafao se se tlide mo ditabeng. Gomme ba tlide tsela yohle go tšwa Russia, godimo ka kua.

¹⁵ Gomme, ke bone, bošegong bjoo. E be e le thwi ka morago ga ntwa, e ka ba mengwaga ye mehlano, ke a thanka, ka morago ga ntwa. Gomme ke bone mašole a Russia le mašole a Finnish, ka matsogo a bona a dikologile yo motee go yo mongwe, ba ratana seng, ba phaphathana seng sa bona ka morago. Eng kapa eng e ka dirago Morussia go phaphatha Mofinn, e tla fediša dintwa, go tšeа lerato la Jesu Kriste go dira seo.

¹⁶ Eupša mašole ale a magolo a makomonisi a eme fale! Re fetile hleng le sehlopha se sennyane sa mašole a Mafinnish, baisa ba bannyane ba be ba se šo ba beola le nako yeo, feela sefahlego sa go thelela, ba apere tšona diputsu tše kgolo, ba etla go theoga mokgotha, ba šeditše batho. Ba be ba nno pitlagana ka mahlakoreng bobedi, bakeng sa dipoloko tša toropokgolo. Gomme mašole ale a eme athenšene, dikeledi di keleketa go tloga marameng a bona. Ba rile, “Re tla amogela Modimo yo a kgonago go tsoša bahu.” Le a bona? Ke batho boka re le.

¹⁷ Eupša se e lego, selo se se bolelago Bokriste gomme se sa tšweletše dipoelo e ka ba di dife, ba se beela thoko. Ba nyaka kgonthe tsoko. Le a bona, ke ka lebaka leo bokomonisi bo tsogilego, ka baka la go hlephiša ga kereke. Kereke e na le molato wa bokomonisi, ka baka la gore e bile yona ye e hlephištšego. Gomme bjale e nong go nagana, feela phesente e tee ya Russia bjale ke makomonisi, phesente e tee. Diphesente tše masomesenyane senyane tša batho e sa le Bakriste. Se ba se hlokago ke go Tuka ka kgonthe, ka moprofeta ka O RIALO MORENA. Gore, le a bona, seo se tla kgoromeletša maatla a bokomonisi ka lewatleng. Se re se hlokago, ke, ba hloka Bokriste bja kgonthe.

¹⁸ Gomme mašole a a Russia a eme fale bošegong bjola, ke tlide ka go mathudi a mannyane le go ya ka holong ye nnyane. Gomme mosetsana yo monnyane yo, nka se tsoge ka mo lebala, o be a le—o be a le moriri wo monnyane wa mahlafarara le dikhethetše tše nnyane tša mankgeretla. Gomme o be a tšwile ka—ka kamoreng ya bahumagadi. Gomme ba be ba boditšwe go se ntshwenye.

¹⁹ Ke be ke tšwela ntle mokgotheng le go reka dipompong. Ke—ke na le bana, nnamong, gomme ke—ke rata bana. Ke nagana e ka ba mang yoo a sa ratego bana, go ne se sengwe sa phošo ka bona. Gomme kafao baisa ba bannyane ba, ke be ke tla ba le molokoloko seripa sa poloko botelele, ba ntatela. Ke be ke ba fa pompong. Ba be ba tla mpha ye nngwe ya tšhelete yela fale, gomme e be e se ya hole fa, dipili tše kgolo bogolo boka tše, gomme ke be ke tla reka dipompong. Ga ke tsebe se ke bego ke se reka, eupša ke ba file sona. Gomme ka gona ba ba botšiša mo mekgotheng, le a tseba, ge ke sepetsé tikologong, feela mohuta wa go ya pele le go ntlhokomologa, ke a thanka, kafao go itšhidulla gannyane.

²⁰ Gomme ka gona ge ke etla ka gare bošegong bjoo, mosetsana yo monnyane yola o be a gopola gore o dirile selo se sengwe sa go fošagala, gomme ke a tseba o be a hunyeditše hlogo ya gagwe ye nnyane. Gomme o lebeletše godimo go tšwa go mahlo a gagwe a mannyane a bolou, gomme o be a eya go bona se ke bego ke eya go se bolela.

²¹ Gomme mašole a mabedi pele ga ka, a be a ile pele mojako. Gomme ba be ba opela *Dumela Feela*. Ba babedi gape ba be ba le ka morago ga ka. Ke ba šupeditše, “emang.”

²² Ke be ke nyaka go bona se ngwana yola a bego a tla se dira. O be a le e ka ba, ke a thanka, e ka ba mengwaga ye seswai bogolo, lesome. Ke tsebile moragwana, o be a le yo monnyane, wa ya Finnish, tšhiololo ya ntwa. Tatagwe le mmagwe ba be ba bolailwe ka ntweng ya Russia. Gomme ka fao ka—ka lebelela moisa yo monnyane, gomme—gomme o be a na le mahlotlo a. Gomme o naganne gore ke tla . . . o be a dirile se sengwe sa phošo, le a tseba.

²³ Gomme ke mo lebeletše. Ke rile, “O nyaka go mpona?” Gomme, nnete, o be a sa kgone go kwešiša Seisimane. Gomme ke šupeditše monwana wa ka go yena, go tla godimo fale. Gomme o phagamišitše hlogo ya gagwe gomme o bonagetše mohuta wa bjana. O beile mahlotlo a mannyane a ntle, gomme a phagamišetša leoto la gagwe le lennyane godimo, mohuta wa ka mokgwa woo. Gomme šo o a tla, a sepelela godimo.

²⁴ Ke naganne, “Ke tla no bona se ngwana a se dirago.” Gomme ke nno ema fale ka mokgwa *wola*. Gomme o tlile kgauswi ka kgontho go nna, gomme o ntebeletše; le go lebelela godimo ka mokgwa *wola*, le go lebelela fase. Ke naganne, “Ke tla no bona se a se dirago.” Gomme o ile a topa jase ya ka, a e lebelela ka seatleng sa gagwe, gomme a atla potla ya jase ya ka, gomme a bea seatla sa gagwe fase.

²⁵ Ke be ke eya go re go yena, “kgaetšedi wa ka yo monnyane,” ke be ke sa tsebe mokgwa wa go bolela. Gomme ke lebeletše ntle ka pele, ke mmone a kitima go theoga mokgotha, feela sekeng bjalo ka ngwana e ka ba ofe. Gomme ke rile bjale, ga se ke kgone go bolela le yena, ke rile, “Hani, Jesu Kriste o go dira o fole.”

²⁶ Gomme a gogela sekhethe sa gagwe se sennyane ntle, sa mohuta wo monnyane wa Finnish, gomme a re, “Kiiatos.” Seo se ra, “ke a go leboga,” le a bona, bakeng sa go atla potla. Ke—ke a dumela, ge nkabe ke bile moiakaketši yo mogologolo ka lefaseng, Modimo a ka be a hlomphile tumelo ya ngwana yola.

²⁷ Gomme kafao o, ke naganne, “Gabotse, o tla e hwetša, morago ga nakwana, go le bjalo. Le a bona, e tla ya pele, o tla ba gabotse, gobane ke šetše ke mmone ponong.” E swanetše go ba! Se ke se bolelago, e swanetše go no ba.

²⁸ Kafao bošegong bjoo, go bile le dilo tše dintši kudu Morena a di dirilego, gomme ke be ke no ba komana go tloga. Gomme ke rile, “Gabotse, e no bitša di se kae gape.”

²⁹ Gomme ngwanešu wa ka o rile, “Aowa,” o rile, “wena o . . .” Gomme Ngwanešu Baxter o rile, “O lapile bjale, Ngwanešu Branham.” O rile, “Bjale, o no—o no tlogela bjale, etla pele, gobane re swanetše go ya felotsoko gape.” Gomme o rile, “O no . . .”

³⁰ Ke rile, “Gabotse, ke no ikwela mohlomongwe go ba le e ka ba bane goba ba bahlano gape, go ne ba bantši kudu fa.”

³¹ Gomme kafao wa go latela ka mothalong wa thapelo e be e le mosetsana yola yo monnyane. Morena o no tseba mokgwa wa go šoma dilo feela gabotse. Kafao ke rile, “Mdi. Isaacson . . .” A ka no ba fa bjale. O be a le segalontšu sa ka sa Finland. Gomme kafao ke rile, “Bjale o no bolela mantšu ao ke a bolelago.” O rile, “Go lokile.”

³² Gomme ke rile, “Hani, Morena Jesu o go fodišitše, o go putsitše ntle kua, bakeng sa seo o se dirilego.” Ke rile, “Bjale eya godimo fale gomme o be le ba bangwe ba banna go tloša ditlemo tše. E no šetša se se diregago.” Gomme o ile a koila go kgabaganya sefala. Gomme ka tšwelapele le ka moka ga bona.

³³ Mo dinakwaneng di se kae, šo o a tla ka dieta, ditlemo godimo ga hlogo ya gagwe; feela sekeng, maoto bobedi a le gabotse ka mo a bego a kgona go ba, gomme a kitima godimo le fase ga materapo. Le a bona, tumelo, lerato le hwetša lefelo la lona. Yeo ke mnnete.

³⁴ Ke bile le boitemogelo bjo bonnyane lehono, le go no le bontšha se kopanelo e se rago. Ke, nako ya mafelelo fa ka New York, goba ke be ke le godimo fa go Ngwanešu Hudson, ke a nagana, ka . . . Yela, ga ke nagane yela e be e le ka New York. Yeo ke, ga ke tsebe ke efe e lego New York tikologong fa. Gomme feela New York yohle, go nna, tsela yohle go tšwa Tucson mo, e lebega go ba.

³⁵ Kafao nako yeo ke be ke fela ke etla fa le Kgaetšedi Brown le Ngwanešu Berg. Ke ne kgontha bontši bja lena le a ba tseba. Gomme ke be ke leka go swara mokgethwa morategi yola wa kgale, bakeng sa letšatši la mafelelo goba a mabedi. Gomme go be go se yo motee ka kerekeng, gomme ka gona lehono ke mo swere mogaleng. Ke ile ka swara mohlokomedu. Gomme, gabotse, ke naganne ke be ke bolela le mosetsana wa bogolo bja mengwaga ye lesometshela, o ne sediba se sentši kudu ka go segalontšu sa gagwe. Ke rile, “Kgaetšedi Brown, o ka se tsoge wa thanka, ka go—ka go kgwedi ya Lamorena, yo ke mang.”

Gomme o rile, “Šegofatša pelo ya gago, ka kgontha nka se ke.”

³⁶ Gomme feela go thaba ka mo a kgonnego go ba. Ke rile, “Ngwanešu Branham,” gomme o nno thoma go goelela; feela selo se sebose bjalo sa kgale.

³⁷ Gomme o bogolo bja mengwaga ye masomeseswai tharo, gomme o rera gabedi ka beke. Gomme e no nagana, o tsene bodireding pele ke tswalwa. Gomme ke be ke le komana go lahlela toulo; ke naganne ke be ke tšofala kudu, le a tseba. Ke tšere tutuetšo ye mpsha.

³⁸ Gomme ke mmoditše ke be ke le fa le Ngwanešu Vick godimo fa. Gomme dilo tše botse tše a di boletšego ka Ngwanešu Vick! Ke a le botša, seo—seo se dira . . . Bjoo ke Bokriste bja kgonthé. Bobedi bja tšona dikereke tše kgolo, thwi fa ka New York, ga go phenkgišano magareng ga bona, le a bona, feela ka kgonthé banešu le dikgaetšedi ka go Kriste. Ke a le botša, seo se ra bontši ka moka go modiša, le a tseba. Bobedi bja tšona fa, dikereke tša kgale di hlomilwe ka mokgwa wo, gomme go le bjalo feela ngwanešu le kgaetšedi, di šomišana mmogo. Yeo ke tsela ye re swanetšego go e dira. Seo ke se sekaoone kudu. Ke nagana gore ke tlaleletšo go Ngwanešu Vick, ya mošomo wo mogolo wa gagwe mo bakeng sa Morena, le maikutlo a gagwe a magolo bakeng sa ba bangwe, le bobedi bja bona. Morena a ba dire ba phele botelele, nako ye telele go le bjalo.

³⁹ Gomme, Ngwanešu Vick, ke naganne re be re tšofala gabotse, eupša re bana le bjale, le a bona. Re no ba bana.

⁴⁰ Ke elelwa Ngwanešu Bosworth ge a be a hlokofala, o be a le masomeseswai nne. Ke rile, ke nyakile go tšuma koloi ya ka ya kgale, ka go tla tlase kua go mmona. Ka gona ke mmone a phagamela godimo, hlogo ya gagwe ye nnyane ya lefatla, o phagamišeditše matsogo a gagwe ntle ka mokgwa wola. Ke nno wela thwi ka matsogong a gagwe, le go goelela, “Tate wa ka, tate wa ka, dikoloi tša Israele le banna ba dipere ba tšona!” Gomme ke rile, “Ngwanešu Bosworth, ke nyaka go go botšiša,” ke rile, “a o a babja?”

O rile, “Aowa.”

Ke rile, “Gabotse, bothata ke eng?”

⁴¹ O rile, “Ke no ya Gae.” Ya, le tseba tshegišo ya gagwe.

⁴² Gomme ke—ke rile, “Gabotse, Ngwanešu Bosworth,” ke rile, “ke tla rata go go botšiša se sengwe. Nako ya gago ye kaonekaone e bile neng?”

O rile, “Gonabjale.”

Gomme ke rile, “Efela o a tseba o a hwa?”

⁴³ O rile, “Nka se kgone go hwa.” O rile, “Ke hwile e ka ba mengwaga ye masomešupa ya go feta,” o boletše. O rile, “Ke—ke nna sebopiwa se seswa ka go Kriste.” Gomme o rile, “Ngwanešu Branham, tšohle ke di pheletšego, lebaka la mengwaga ye masometshela ya go feta, e bile Morena Jesu. Gomme, motsotso e ka ba ofe, ke lebeletše go Yena go sepelela ka mojako le go tloga le Yena bakeng sa Bokagosafelego.” Ke naganne.

⁴⁴ Ke elelwa Paul Rader. Ke ba bakae ba kgonago? Ba bantši ba elelwa Paulo ge a ehwa ntle kua. Gomme ba leditše, ba bile le . . . Moody Bible Institute, ke a dumela, o rometše tlase kh—kh khwathete ye nnyane go mo opelela. Gomme ba be ba opela *Kgauswana, Modimo wa Ka, Le Wena*, le a tseba. Gomme o rile . . . O bile le tshegišo, le a tseba. O rile, “Ke mang a hwago,

nna goba lena?" o boletše. O rile, "E re," o rile, "tsošang yona meriti, gomme le nkopeleleng ye nngwe, nkopeleleng pina ye botse ya mafolofolo ya Ebangedi."

⁴⁵ Gomme ba ya go opela, "Tlase sefapanong mo Mophološi wa ka a hwilego, tlase mo ke llelago tlhwekišo go tšwa sebeng!"

⁴⁶ O rile, "Yeo e kwagala bokaonana." O rile, "Ngwanešu wa ka o kae, Luke?"

⁴⁷ "Gabotse, Luke o be a sa nyake go bona ngwanabo a ehwa, kafao o be a le ka kamoreng ya go latela."

O rile, "Eyang le mo tšee."

⁴⁸ Gomme Luke le Paul ba sepela mmogo, boka Billy Paul, morwa wa ka le nna re sepela mmogo.

⁴⁹ Gomme Luke o tlide ka gare, a leka go ikgogela godimo yenamong, le go swara seatla sa Paul. Paulo o obeleditše godimo le go mo tšea, o rile, "Luke, re tlide ditsela tše telele mmogo, a ga ra dira, ngwanešu?"

O rile, "Ee."

⁵⁰ O rile, "Eupša nagana ka yona! Mo metsotsong ye mehlano go tloga bjale, ke tla be ke eme ka Bogeneng bja Jesu Kriste, ke apere toko ya Gagwe." Oo, nna! Seo ke seo.

⁵¹ A nke ke ye ka mokgwa woo. Yeo ke yona, ke apere toko ya Gagwe! Mo metsotsong ye mehlano go tloga nakong ye a bego a swere diatla tša ngwanabo, "Ke tla be ke eme ka Bogeneng bja Jesu Kriste, ke apere toko ya Gagwe." O pitlide diatla tša ngwanabo, gomme o ile go kopana le Yena. Oo, nna, a letšatši le e tla bago lona, ona mašole a bogale!

⁵² Le a bona, ke eme fa le go bolela le lena, gomme nako ya ka yohle e ile, le go thankā ke ka tsela yeo e yago. Iri ya senyane, eupša ke ya go hlaganelā, bošegong bjo, nnete go lekanelā. Ke no ba le Mangwalo a se makae a mannyane.

⁵³ Ke ngwala Mangwalo le go tseba mo nka bolelagō ka wona go latela. Nako ye nngwe dira...ngwala leina, gomme ka gona ka botšiša Ngwanešu Vayle se le se rago, pele ke etla ka gare, le a tseba. Nka no le hwetša go tšwa ka Beibeleng fa, gomme a mpotša mokgwa wa go le bitša. Gomme kafao ke hlaelela bontši ka moka ka thuto.

⁵⁴ Eupša ke tshepišitše bošegong bjo go rapelela balwetši. Gomme bjale morero mogolo wa ka, dikopano tša ka—tša ka, ke lebaka le ke se nago dinako tše ntši kudu; gatee goba gabedi, mohlomongwe, lebakeng la lesolo, ke tla tlis̄a batho godimo boka ke eya go go dira bošegong bjo, ntle le go hlatha, ka gobane feela go bea diatla go balwetši. Batho ba bantši ba dumela seo. Bjale, seo, seo—seo se gabotse. Leo ke Lengwalo. Le a bona? Eupša le a elelwa, woo e be e le mohuta wa motlwae wa Bajuda. Le a bona,

Jairo o rile, “Etla o bee diatla tša Gago godimo ga morwedi wa ka, gomme o tla phela.”

⁵⁵ Eupša Moroma o rile, “Ga ka swanelo gore O tle ka tlase ga tlhaka ya ka. E no bolela Lentšu!” Hlokomelang se a se pakilego. O rile, “Ke nna monna ka tlase ga maatlataolo.” O be a le letona. “Gomme ke—ke re go monna yo, ‘o a ya’ gomme o a ya. Gomme yo ‘o a tla,’ gomme o a tla.” O be a paka eng? Gore Lentšu la Jesu le be le lekanetše go fodiša mohlanka wa gagwe; O be a na le maatla godimo ga bolwetsi bjhole. “O no bolela Lentšu, mohlanka wa ka o tla phela.”

⁵⁶ O retologile go dikologa gomme o rile, “Nna ga se ka ke ka hwetša tumelo ya go swana le yeo ka go Israele.” Le a bona?

Bjale ke moo ke lekago go dira batho go dumela.

⁵⁷ Le a tseba, batho ba bantsi ba re, “Oo, letago go Modimo, Ngwanešu *Semangmang* o beile diatla godimo ga ka, haleluya, ke fodi!” Seo se lebega o ka re ngwanešu o bile le se sengwe go dira le yona. Le a bona?

⁵⁸ Bjale ge le ka no lemoga Bogona bja Jesu Kriste, le a bona, gomme la dumelela . . . Ke diatla tša Gagwe tše di balwago, le a bona. Gomme e no Mo amogela, ka gona ga go yo a beilego diatla godimo ga gago eupša Kriste. Le a bona? O Mo kgwathile, gomme diatla tša Gagwe di go kgwathile, o a bona. Gomme ga go motho yo a hwetšago tumišo kae kapa kae. Yohle ke tumišo . . . Ka baka la gore, seo ke sohle se ka kgonago go dirwa go le bjalo. Ge re tsea tumišo e ka ba efe, re pata Modimo go tloga go yona, gobane Modimo ke Yena yoo a dirago phodišo.

⁵⁹ Gomme elelwang, ga go selo se se bjalo bjalo ka motho e ka ba mang—e ka ba mang, e ka ba ngaka goba modiredi, yoo ke mofodiši. “Ke nna Morena Modimo wa lena yo a fodišago malwetsi a lena ohle,” le a bona, “ohle.” Ga go sehlare se se fodišago. Ga go ngaka ye e tteleimago sehlare go fodiša. Aowa, aowa. Sehlare se tšwelapele se hlwekiša feela mola Modimo a fodiša. Sehlare ga se kgone go aga thišu, ga se kgone go kgohlaganya lerapo. Le a bona? O ka no ripa lelanalenyane, eupša ke mang a yago go fodiša lefelo le le tšwago go lona, le a bona? A ka no tomola leino, eupša ke mang a yago go fodbiša lefelo le le tšwago go lona? Le a bona? Le a e bona? Modimo ke Mofodiši, Yena ke Mofodiši a nnoši. Mangwalo ga a aketše. A lokile ka go phethagala, ka fao Yena ke Mofodiši.

⁶⁰ Ke leboga kudu bakeng sa di—di dilo tsohle tše re nago natšo, go swana le dihlare tše ba ka naganago ka tsona, tše di tla bolayago ditwatši. Ga go selo kgahlanong le seo. Ke rapelela seo kgafetšakgafetša. Eupša re hwetša lefelo tsoko, ga re ne sehlare e ka ba sefe go thuša taba. Gomme ka gona selo se sengwe, dinako tše dingwe, sehlare se se tla thušago yo motee se tla bolaya yo mongwe. Le a bona?

⁶¹ Eupša ke tseba Pheko yeo ka go felela e sego moreku, eupša kalafi, ao ke Madi a Jesu Kriste. Tumelo ka go Madi ale!

⁶² Bjale bošegong bjo, oo, rena, a Billy... Ke lebetše go mmotšiša. Ke kitimetše ka gare. A o—o file dikarata tša thapelo, a o dirile goba a ga se a ke? [Yo mongwe o re, “Ee, o dirile.”—Mor.] Ge a se a dira, ke be ke eya go ba le yena a e dire bjale. Re ya go no bolela gannyae nthathana ka tumelo, gomme morago—morago re ya pele thwi gomme re bitše mothalo wo wa thapelo, le go rapelela balwetši, ka go bea diatla godimo ga bona, go leka go tliša motho yo mongwe le yo mongwe ka moagong wo re ka kgonago. Bjale, le na le tumelo bjale.

⁶³ Ke nyaka le mphe šedi ya lena ya go se arogane, feelsa lebaka la dinakwana di se kae, ge ke bala Lentšu le. Gomme bjale ke nyaka go bala go tšwa go Ebangedi ya Mokgethwa Mateo, temana ya 15... tema ya 15, a ke re, go thoma ka temana ya 21. Gomme le ga se Lengwalo le lentši kudu go le bala, le a bona, ke sehlogo se sennyane nthathana. Eupša, le a tseba, ga se—ga se—se... Ga se ke bontši gakaakang; ke boleng. E sego bontši; boleng! Le a bona, go na le go lekanelia godimo fale, ka go tšona ditemana di se kae fale, go phološa lefase ka moka. Nnene. Le a bona, ga se—ga se bogolo bja yona, ke se e lego sona.

⁶⁴ Bjalo ka ge ke be ke bolela fa nako ye nngwe ya go feta, mo—mo mošemane yo monnyane, ke a dumela e be e le ka go seemo se, yo a bego a puruputša tikologong ya kamora ya ka hlakeng ya kgale gomme o hweditše se—se setempe sa poso sa kgale. Gomme—gomme o be a tseba mokgoboketši wa ditempe, ka fao o—o ile a se tseela tlase go hwetsa gore se be se tura bokae. Gomme mokgoboketši wa ditempe o rile... Oo, nnene, mošemane yo monnyane o be a ne aese khirimi ka monaganong wa gagwe, le a tseba. O rile, “Ke tla—ke tla go fa tolara bakeng sa sona.” Gabotse, nna, yeo e bile, thekišo e dirilwe yona nako yeo. Ke nagana o se rekišitše bakeng sa e ka ba, ke a nagana, e be e le makgolo a mahlano; gomme se ile pele go, lekga la mafelelo re kwelego, ke lebetše ke makgolo a makae se boleng bja sona bo bego bo le. Le a bona, setempe se sennyane sa kgale, pampiri e be e se selo, e be e no ba seripa sa pampiri sa kgale ebile se se sa lekanelago go topša. Eupša e be e le se se bego se le godimo ga yona, se se bego se bolela.

⁶⁵ Yeo ke tsela ka Le fa. Se e no ba seripa sa pampiri, eupša se se lego godimo ga yona ke Lentšu la Morena, gomme seo ke se se e dirago go ba bohlokwa kudu. Go lokile, temana ya 21.

*Ka gona Jesu o ile go tloga fao, gomme a tloga go ya
ka mabopong a Tiro le Sidone.*

*Gomme, bonang, mosadi wa Mokanana o tlide go tšwa
mabopong a go swana, gomme a llela go yena, a re,
Nkgaogele, O Morena, wena morwa wa Dafida; morwedi
wa ka o tshwenywa kudu ke diabolo.*

Eupša a se arabe le ge e le lentšu. Gomme barutiwa ba gagwe ba tla gomme ba mo kgopela, ba re, Mo romele a tloge; ka gore o lla ka morago ga rena.

Eupša o fetotše gomme o rile, ga se ke—ga se ke romelwe eupša go di...go dinku tše di timetšego tša ntlo ya Israele.

Morago o thile le go mo rapela, a re, Morena, nthuše.

Eupša o fetotše gomme o rile, Ga se gwa swanela go nna go tsea borotho bja bana, le go bo lahlela go dimpša.

...o rile, Therešo, Morena: efela dimpša di a ja... marathana ao a wago go tšwa tafoleng ya beng.

Ka gona Jesu a araba gomme a re go yena, O mosadi, tumelo ya gago ke ye kgolo: a go be go wena ebile bjalo ka ge o rata. Gomme morwedi wa gagwe o dirilwe go thakafala go tloga yona iri yeo.

⁶⁶ Bjale feels dinakwana di se kae, ka tsela go dira...go aga godimo ga se, Ke nyaka go tsea sehlogo go bolela se ke se ngwadilego fa ka Mangwalo a. Ke nyaka go bitša peg-...lentšu Phegelelo, gomme feels lentšu le tee.

⁶⁷ Phegelelo, bjale re tseba lentšu, ke nagana gore le ra “go phegelela,” le go phegelela ka go se sengwe se o se dirago. Ka go dira nepo goba se sengwe, o swanetše go phegelela.

⁶⁸ Gomme banna go kgabola mabaka ohle, ba ba bilego le tumelo ka go se ba lekago go se fihlelela, ba ile ba swanelwa ke go phegelela, gagolo ge o leka go dira se sengwe gabotse. Gobane, o ya go kopana, o ya go kopana le kganetšo.

⁶⁹ Lena batho, bosegong bjo, ba le yago go rapelelwa, ke bolela se bakeng sa letago la lena, bakeng sa kwesišo ya lena. Ge o se wa lokela go tla ka mothalong wa thapelo, o se ke wa tla. Gobane, le swanetše go elelwa gore ye ke nako ge Modimo a eya go le tsea lentšung la lena, gomme o swanetše go Mo tsea Lentšung la Gagwe. Gomme ga go kgathale se e ka ba mang gape a se bolelago, goba o ikwa bjang, maikutlo a gago ga a ne selo go dira le yona. Jesu ga se a ke a re, “A le ikwetše yona?” O rile, “A le e dumetše?” Le a bona, le swanetše go e dumela. Gomme phodišo ya gago e šetše e bolokegile, Jesu Kriste o go fodišitše Khalibari. Gomme, ga go kgathale se bothata bja gago e lego, o swanetše go e amogela. Gomme pele o ka e amogela, o swanetše go e dumela. Gobane, tumelo e theilwe; goba, phodišo e theilwe godimo ga tumelo, gomme tumelo e theilwe godimo ga Lentšu.

⁷⁰ Bjale, o ka se kgone go re, “Ge nka kgwatha setšeantšu se, ke tla fola.” Fao, ga go na le motheo wa seo, le a bona. Seo se ka monaganong wa gago.

⁷¹ Eupša ge e le O RIALO MORENA, gona le ka kgona go tseba seo ke therešo, gobane, “Magodimo ohle le lefase di tla

feta, eupša Lentšu la Gagwe le ka se tsoge la fetoga.” Kafao ke therešo.

⁷² Bjale o swanetše go phegelela. Ga go kgathale diabolo o leka gakaakang go go botša, “Gabotse, o no ikwela gampe.” O se dumele lentšu le tee la yona!

⁷³ Fa nako ye nngwe ya go feta, ke ile ka biletšwa lehlakoreng la mpete, ka ntšhetšwa ka ntile ga kopano gomme ka biletšwa thoko ga malao moo go bego go le mo—mo mošemane yo moswa a ehwa. Gomme tate wa kgale o tlie go nna, e bile e ka ba mengwaga ye lesometlhano ya go feta, ke a thanka, gomme o rile, “A o ka tla go morwa wa ka, o—o hwa ka se—se selo sa go šiiša?” Ke bo—bo bolwetši bja pelo, ke bitša . . . ke a dumela bo bitšwa mohuta wo mongwe wa bo—bo bolwetši bja pelo, Ke lebetše gore leina la bjona ke eng bjale, eupša e be e le bjo bobe ka kgonthe, ka kgonthe.

Gomme kafao ke rile, “Ee.”

⁷⁴ Oo, ke kgopela tshwarelo ya lena, bo ile pele pelong ya gagwe, eupša e be e le polio ye e bego e le ka mmeleng wa gagwe. E be e le polio. Gomme seo e bile pele re eba le moento wa Salk. Gomme morago mošemane o be a befile ka kgonthe. Gomme kafao ge ke ile go rapela, ngaka ga se a ntumelela ka gare. Gomme o rile, “Nka se kgone go go dumelela ka gare.”

⁷⁵ Gomme ke rile, “Gabotse, ke nna . . .” Ke be ke le e ka ba bogolo bja mengwaga ye masomenne, gomme ke rile, “Gabotse, ke bogolo bja mengwaga ye masomenne.” Ke rile Ke . . . “Tumelo ya ka e mpotša gore go lokile go nna go ya go rapelela mošemane wa monna yo, gobane o nnyaka ke—ke mo rapelele.”

⁷⁶ O rile, “Eupša, lebelela,” o rile, “o monna yo a nyetšego. O na le ngwana wa gago mong. O tla rwalela pholio yela go mošemane.”

Gomme ke rile, “Gabotse, a nke ke ye ka gare.” O be a ka se e dire.

⁷⁷ Gomme monna yenamong, ngaka, bjalo ka ge ke kwešišitše, o be a le Mokatoliki. Ke rile, “Ke nyaka go go botšiša se sengwe. Ge ke be ke le moprista, gomme monna yo e be e le Mokatoliki, gomme mošemane yola a be a ehwa, a o be o tla ntumelela go ya go mo fa ditirelo tša mafelelo.”

O rile, “Yeo e a fapania. Yoo ke moprista.”

⁷⁸ Ke rile, “Aowa. Ke ra feela bontši go bona, bjalo ka ge moprista a be a tla dira go monna yo a bego a le Mokatoliki.”

Gomme mafelelong o rile, “Ke ge o ka saena pampiri ye.”

⁷⁹ Ke rile, “Ke tla saena e ka ba eng, o a bona.” Gomme kafao o nkapešitše boka Ku-Klux, gomme ke—ke tsene ka fale. Ke be ke sa re go bolela seo ka mokgwa woo; ntshwareleng, le a bona; eupša, go le bjalo, bošweu, le gohlegohle sefahlegong sa ka.

⁸⁰ Gomme ke ile ka fale, gomme mošemane o be a le tlase kudu go fihla a no se heme. Gomme o be a idibetše, e ka ba matšatši a mabedi. Gomme ga ke kwešiše sehlare le diphatišio tše kgolo tša saense tše Modimo a dumeletšego batho go di dira, dingaka bakeng sa batho ba go babja, le go ya pele, eupša go na le mohuta wo mongwe wa—wa seelamorethetho, se sengwe, se tšerwe. Pelo ya gagwe e be e le fase kudu, ke lebetše feela gore morethetho o be o le eng. E be e le kgaušwi le go ya. Gomme ka fao mme o be a eme fale, gomme ka bolela le yena. Kafao ke ile ka lehlakoreng le lengwe la malao. Gomme mooki yo monnyane, oo, mohumagadi tsoko yo monnyane yo mokaone, o, ke a thanka o be a le ka go bomasomepedi ga gagwe ga peleng, mohlomongwe, masomepedi tee, masomepedipedi a mengwaga bogolo, o be a le mooki yo a bego a kgomareditšwe go...goba a swanetše go hlokomela molwetši.

⁸¹ Gomme ka fao ka ya go kgabaganya ka lehlakoreng le lengwe la mpete, gomme ka khunama fase, gomme ke nno...thapelo ye nnyane ye bonolo, le go bea diatla godimo ga—godimo ga mošemane. Ke rile, “Morena Jesu, tate yo le mme ba ntlišitše fa go rapelela morwa wa bona, gomme o a hwa. Gomme feela Wena, Morena, o ka kgonà go mo thuša. Gomme ke a tseba gore O rile, ‘Maswao a a tla latela bona ba ba dumelago; ge ba bea diatla go balwetši, ba tla welwa ke maruru.’ Ke kgopela tshepišo yeo go Wena, Morena Jesu, bakeng sa bophelo bja mošemane yo.” Ga go phetogo ye e tlago le gatee. Ke rile, “Ke a Go leboga, Morena.”

⁸² Gomme tate wa kgale o emeletše, gomme o rile, “Morena, ke Go thabetše kudu, go thaba ka mehla, bakeng sa go fodiša morwa wa ka.” Gomme a fihla go dikologa gomme mme a wela ka matsogong a gagwe, gomme a re, “Papa, nagana ka yona, o ya go fola bjale.” Gomme ke eme le go lebelela, gomme ba be ba thabile le go hlalala, le go lla. Mošemane o be a no ba fase ka mo a bego a kgonà go ba. Ba rile, “Oo, go a makatša!”

⁸³ Gomme mooki yo monnyane o lebeletše tikologong, o ntebeletše. O rile, “Ke—ke a dumela ga o kwešiše ditaelo tša ngaka.” O rile, “Ke a dumela ga se wa kwešiša. Mošemane o a hwa.”

⁸⁴ “Oo,” mokgalabje o rile, “aowa, ga a hwe. O ya go phela.”

⁸⁵ Gomme kafao o rile, “Lebelela, mohlomphegi,” o rile “ke—ke thabela e ka ba mang a nago le tumelo boka yeo, eupša,” o rile, “o ka sega bjang le go ya pele ka mokgwa woo,” o rile, “gomme o a bona ga go na phapano ka go mošemane.” Gomme o rile, “Mošemane o tla hwa.” O rile, “A ka se phele. Gabotse, ga re bone ka fao a phetšego botelele bjo.” O rile, “Ga se nke gwa ke gwa tsebja ka go—ka magareng ga batho ba go babja, goba saense, a ke re, gore motho o kile a ya botlase bjoo ka morethetho wa pelo ka mokgwa wola,” mohuta tsoko wa seelamorethetho, se sengwe, “yo a tsogego a tla morago gape.”

⁸⁶ Gomme nka se tsoge ka lebala mokgalabje yola. O beile diatla tša gagwe godimo ga legetla la gagwe, go no swana le tate go morwedi, o rile, “Lebelela, ngwana morategi wa ka.” O rile, “Seelamorethetho sela ke se o se lebeletšego. Seo ke se o hlahlilwego go se lebelela. Gomme seo ke sohle o tsebago ka ga sona, ke seelamorethetho sela. Eupša,” o rile, “Ke lebeletše tshepišo ye Kgethwa.” Le a bona?

⁸⁷ Mošemane o nyetše gomme o ne bana ba bararo bjale. Go ya le gore o lebeletše eng. Ga se a ke a ba le bokaonana e ka ba bofe lebaka la matšatši a mabedi goba a mararo. Eupša morago ga lebakana, selo sa pele le a tseba, šo o tla thwi go tšwa go yona, gomme o ile gae. Ke moromiwa ka Afrika Borwa bjale, le bana ba bararo.

⁸⁸ Bjale, le a bona, go no ya go laetša, o swanetše go phegelela. Seo ga se sa ke sa tshwenya mokgalabje yola. Seo se e rarolotše.

⁸⁹ Feela bjalo ka ge mosadi yola a kgwathile kobo ya Jesu Kriste, seo se e rarolotše. Yeo ke phetho. O, o phegeletše go fihla a fihla kua, eupša seo se e rarolotše.

⁹⁰ O swanetše go ba ka tsela ye e swanago. O swanetše go phegelela. Gomme mang kapa mang yo a kilego a hwetša eng kapa eng, gomme a kilego a kgona go fihlelala eng kapa eng, o be a phegelela.

⁹¹ George Washington o be a phegelela ka Valley Forge. Mathata ohle a be a le kgahlanong le yena, gomme le—le lenaba le be le le mošwa noka. Eupša ka morago ga bošego bjhohle ka thapelong; gomme mašole a Amerika a se a rwala dieta dinaong tša bona, e ka ba tee tharong ya bona ba bile le dieta, gomme ba tshetše noka ka Valley Forge, go kgabola aese. Gomme dikolo tše tharo tša masekete di ile go kgabola jase ya gagwe. Eupša o bile le karabo go tšwa go Modimo, gomme go be go se tlhokego ya gagwe go katakata. Ga se gona se kgonnego go mo thibela nako yeo. O e kgabagantše ka baka la gore o be a phegelela. O be a kwele go tšwa go Modimo.

⁹² Gomme yeo ke tsela ye re swanetšego go ba. Ge Modimo a bolela bjalo, seo se a e rarolla.

⁹³ Noage o ile a phegelela kudu ka morago ga ge a kwele go tšwa go Modimo. Ge a kwele Lentšu la Modimo le mmotša go aga areka, o e agile. Ga go kgathale se e ka ba mang gape a se boletšego ka yona, le ka fao e ka ba mang gape a nagannego ka yona, Noage o be a phegelela. Ba ka no be ba rile, “Gabotse, mokgalabje yola, kanegelo yela ya pula,” le go ya pele, “moisa wa kgale o nno dula godimo fale ka letšatšing botelele kudu. Go ne se sengwe sa phošo ka yena.” Seo ga se sa ke sa mo emiša le gatee. Ga se a ke a kwa lentšu la sona. O nno kwa feela gore Modimo o rile, “e ya go na; aga areka,” gomme o be a phegelela ka go e dira.

⁹⁴ Bjale, Moshe o be a phegelela kudu; sa pele, lefšega la go tšhaba. O be a rutegile, gomme, oo, o be a kgona le go ruta Baegepeta bohlale. O be a le setswerere kudu, gomme efela o paletšwe go mošomo. Go tsere mengwaga ye masomenne go bea thuto ka go yena, yeo Farao a mo filego; go tsere Modimo mengwaga ye masomenne go e tloša go yena, pele A ka mo šomiša ntle ka lešokeng. Gomme dinako tše dingwe re swanetše go kgotholwa pele o ka tlatšwa. Gomme bjale o bile mopalelwa. Gomme o be a tšhabetše ntle le go nyala mosetsana yo mobotse yo wa Moetiopia, gomme o be—gomme o be a dutše fase gomme o bile le morwa, Gerisome, gomme o be a eya go ba mojabohwa wa dinku tša Jethero le se sengwe le se sengwe. O be a lebetše kgale maikutlo a batho.

⁹⁵ Eupša letšatši le lengwe, ge a be a le ka lehlakoreng la morago la leganata, a sepela go theoga tsela ya kgale ya go tlwaelega, o bone sethokgwa se tuka. Bjale, ga se nke a leka go lekola sethokgwa, gomme o rile, “Ke a dumela ke tla ya godimo le go tše matlakala a se makae, le go e tšeela tlase laborating le go bona se e lego bothata, gore a se ke a swa. Gomme se be se eswa fale lebaka la iri, eupša ga—ga a bonale, mohlare o felela.” Ge nkabe a ile a nagana seo, nkabe Se se sa tsoge sa bolela le yena. Eupša o ile a batamela godimo ka se ka pelong ya gagwe, gore o be a tla ya go hwetša. Gomme Segalontšu sa re, “Rola dieta tša gago, ka gore o lebaleng le lekgethwa.”

⁹⁶ Ke nyaka le hlokomele. Letšatši le lengwe ke lefšega la go tšhaba, gomme letšatši la go latela ke le—le legwaragwara, letšatši la go latela; ge a tlogile Egepeta, ge a bile le sešole ka moka ka diatleng tša gagwe, go lokolla batho. Gomme, le a tseba, ge o ekwa Segalontšu sa Modimo, Se go dira gore o dire ka mokgwa wo o sego wa tlwaelega, o dire dilo tše di sego tša tlwaelega, tša go se tlwaelege le tša moswananoši. Bjale e no nagana, o bogolo bja mengwaga ye masomeseswai bjale, ka kgonagalo ditedu di lekeletše tlase go letheka la gagwe, mohlomongwe hlogo ya gagwe ya lefatla e phadima, moriri go dikologa molala wa gagwe. Gomme šo yena mo tseleng ya gagwe go theogela Egepeta, le mosadimogatša wa gagwe a tlaraletše go moula wo monnyane, le lesea lethekeng la gagwe; lepara la go kgopama ka seatleng sa gagwe, mahlo godimo, a no tumiša Modimo. A ponagalo ya go lebega boarogi!

“O ya kae, Moshe?”

“Re ya tlase Egepeta, go thopa.”

⁹⁷ Tlhasele ya monna o tee! O be o ka se kgone go mo emiša. O be a phegelela. Ka baka la eng? O be a kwele Segalontšu sa Modimo, seo se be se lekane go mo dira go phegelela. Mokgalabje, bogolo bja mengwaga ye masomeseswai, o be a eya go thopa setšhaba, gomme o e dirile. O be a kwele Segalontšu sa Modimo. O ya go thopa bjang, ka lepara lela ka seatleng sa gagwe? Sešole se

se hlahlilwego, banna ba milione ba eme fale, go feta banna ba milione, ba fentše lefase ka letšatšing lela; gomme mokgalabje šo o a ya, bogolo bja mengwaga ye masomeseswai, mosadimogatša a dutše godimo ga moula, le lepara ka seatleng sa gagwe, a eya tlase go tsea setšhaba. Gobaneng, batho ba ka be ba naganne o be a tshereane.

⁹⁸ Le a tseba, ge o ekwa Segalontšu sa Modimo, le go kwa Lentšu la Modimo, o mohuta wa go tshereana go lefase. Eupša ge o ekwa Segalontšu, o tseba se o se dirago.

⁹⁹ Gomme ga go selo se yago go emiša Moshe nako yeo, o be a le tseleng ya gagwe! O be a phegelela kudu. Le ge Farao, o eme pele ga gagwe, gomme a lahlela lepara fase gomme la fetoga sephente, gomme boramaleatlana ba tlide gomme ba kgona go dira selo sa go swana, Moshe ga se a tshabelna ntile boka lefšega. O eme fale. O tsebile Modimo o mo romile, ga go kgathale ke baekiši ba bakae ba nama bao diabolo a ka ba tlišago godimo. O dutše mo lefelong la gagwe la mošomo, gobane o be a kwele Segalontšu sa Modimo. O nno dula fale gomme a bogela disephente di gagaba, gomme, ka morago ga lebakana, sephente ya gagwe ya tla godimo le go ja ka moka ga tšona. Go diregile eng ka ona mapara ao sephente e a jelego, a ile kae? Nagantšhiša yeo. Go lokile.

¹⁰⁰ Dafida, ka morago ga ge a tshepile Modimo, gomme o bone Morena Modimo a na le yena, yo a mo thusitšego go bolaya bera, ka seatla setee, le tau gape. Gomme ka gona o bile le tlhohleletšo, gore Modimo o be a na le yena. O tsebile Modimo o be a na le yena, gobane Modimo o be a mo diretše se sengwe.

¹⁰¹ Modimo o go diretše se sengwe. O go pholosítše, woo ke mohlolo wo mogologolo o lego gona.

¹⁰² Bjale O komana go dira se sengwe gape. Gomme nako e tlide yeo ge Goliate a dirile boikgantšho bja gagwe. Gobaneng, Dafida o rile, “Le ra go bolela gore—gore le tla tlogela lešoboro lela la Mofilisita le eme fale le go nyatša madira a Modimo yo a phelago? Bothata ke eng ka lena baisa?”

¹⁰³ Gabotse, Saulo o be a le monna wa go kgona kudu magareng ga bona, hlogo le magetla ka godimo ga madira a gagwe. Gomme Dafida yo o be a no ba motšukutšukwana yo monnyane, moisa yo monnyane wa nthathana, wa go bogega bohubetšwana, mohuta wa mo—mo mošemane boka, magetla a manyane a go kobega, modiša yo monnyane wa dinku. Gomme kafao Saulo o rile, “Ke kgahlwa ke sebete sa gago, morwa. Eupša, elelwa, monna yola ke mohlabani, go tloga bosweng bja gagwe, gomme ga o selo eupša moswa.”

¹⁰⁴ O rile, “Eupša mohlanka wa gago o be a hlokometše dinku tša mohlanka wa gago, nako ye nngwe, gomme bera ya tla ka gare le go tsea e tee. Ke ile ka morago ga gagwe, gomme Morena a mo gafela ka diatleng tša ka.” O rile, “Tau e ile, gomme,” o rile, “Ke mo ketoletše fase ka seragamabje sa ka. Gomme ge a

emelela, go rora kgahlanong le nna, ke tšere thipa ya ka, gomme ka mo swara ka maledu gomme ka mmolaya.” Gomme o rile, “Ke bontši gakaakang Morena Modimo a tla neelago lešoboro lela la Mofilisita ka seatleng sa ka!” Amene.

¹⁰⁵ Gomme ge Modimo a phološitše soulo ya gago go tšwa go bophelo bja sebe, ke ga kaakang go fetiša A ka kgonago go tšea kankere yeo!

¹⁰⁶ Hlokamelang Dafida yo monnyane wa kgale. Saulo o rile, “Ke kgahlwa ke sebete sa gago, eupša ga se wena molwi. Eupša ge o nyaka go ya, ke tla go apeša,” kafao o apotše tlhamo ya gagwe le go e bea godimo ga gagwe.

¹⁰⁷ Gobaneng, Dafida yo monnyane wa kgale ka yohle yeo Ph.D. le D.D.D. e lekeletše go yena, o, gobaneng, o hweditše gore besete ya bokereke ya Saulo e be e sa lekane monna wa Modimo. Kafao o rile, “Ga se nke ka netefatša selo se, se tloše go nna. A nke ke ye ka tsela ye ke nyakago go ya, ya se ke tsebago se lokile.” Oo, nna! Gomme šo o a ya. Gomme o be a phegelela, gore o be a tla tšea Goliate, gomme o dirile. Gomme a bolaya Goliate.

¹⁰⁸ Ke nagana ka dinku tša gagwe. Dafida o be a le fale, monna wa go botega bjalo go lefelo la gagwe la mošomo. Gomme tau ye, ye e ka bego e kgonne go mmolaya ga bonolo, e tlide ka gare le go tšea ye nngwe ya dinku tša tate, le go ya ntile. Gomme o be a se na le selo, ka nnete, go lwa le tau ka sona, eupša seragamabje se sennyane.

¹⁰⁹ Lena bašemane le a tseba. Ke makga a makae ke ilego ka swanela go lefa bakeng sa lefastere! Gomme seripa se sennyane sa mokgophha, ka lenti, le a tseba, le go hlahlela leswika le go dikologa le go le ragola. Gomme re be re tlwaetše go ketola dingaka tše tša kgale tša noga go tšwa legoreng, le dilo, le—le go e foša ka seragamabje se.

¹¹⁰ Seo ke sohle Dafida a bilego le sona; go se kgone le go bolaya mmutla. Eupša re hwetša gore Dafida, e ka ba eng a bilego le yona ka seatleng sa gagwe, e be e se bontši kudu, eupša o bile le sebete. Gomme o tsebile yeo e be e le nku ya tate. Gomme o be a—o be a romilwe ntile, ke tate, go hlokomela dinku tše. O be a na le boikarabelo ka tšona. Gomme bjale o tšere e ka ba eng a bilego le yona ka seatleng sa gagwe, gomme o tšeetše ntile go tšea nku yela, ka go phegelela gore o be a tla e tšea go tloga go tau yela.

¹¹¹ A le kile la bona tau, se e bogegago boka sona? Le bone tše ka serobeng; gabotse, ke tšona—ke tšona dikatsana. O swanetše go kwa e tee ka lesoding. Mathaka a tikologong mo, di bile ka serobeng le bothopša; le kwa e tee ya tšona a rora, e kwagala gampe. O swanetše go kwa e tee ntile ka lesoding, o mo tsoma, gomme o tseba gore o a go tsoma, le yena. Ka gona, oo, nna, ke moisa yo mogolo! Ge a rora; dikhunkhwane, dikgabo, ditšhwene,

le diphukubje, se sengwe le se sengwe se a ema. Ke kgoši, gomme di mo fa sebaka.

¹¹² Eupša mo Dafida o ya ka seragamabje se sennyane se, go tliša nku yela morago, gomme o e dirile.

¹¹³ Oo, nna, ka fao nka kgonago go tsea sehlogo go seo lebaka la metsotsa e se mekae. Ee, mohlomphegi. Le dinku tša Modimo, le lena. Bolwetši bo le swere. Ga ke na le bontši kudu, e sego—e sego le seragamabje, eupša ke na le Lentšu. Ke tla ka morago ga lena, bošegong bjo, go le tliša morago. Ke tla go le hlakodiša, ka Lentšu la Morena. Ga ke tsebe selo ka sehlare le go ripa ka dithipa, le dilo, eupša *Le* ke le netefaditše. Ke a tseba gore *Le* ke nnete, kafao ke tla ka morago ga lena dinku, go le tliša morago go mafulo a matala a moriti wa lerato la Modimo gape. Modimo, nthuše ka seragamabje se sennyane se.

¹¹⁴ Dafida o be a na le sona se phuthetšwe ka gare—ka gare ga menwana ya gagwe, gomme o bile le matlapa a mahlano ka seatleng sa gagwe. Ke eng seo? T-u-m-e-l-o ka go J-e-s-u. Gomme šo o a tla, gomme o tliša nku morago.

¹¹⁵ Bjale yeo ke tsela ye re dirago bošegong bjo, go ba le tumelo ka go Jesu, gomme ka go phegelela re ya go ema godimo ga Lentšu la Gagwe la go se kgwathwe. Gomme re a dumela gore Modimo o tla boloka Lentšu la Gagwe. Ge Le sa dire, gona bohle re lahlegile. Lentšu le lengwe le le lengwe la Modimo le feleletšwa ka “Amene,” go modumedi. Yeo ke therešo. Ee, o be a phegelela.

¹¹⁶ Gomme gape le Simisone, ge a kopana le Bafilisita bale, a o kile wa nagana ka seo? Gobaneng, Simisone, ba mo dirile a swantšhitše bjalo ka monna a na le magetla boka mejako ya ntlobobolokelo. Gabotse, e be e ka se be—be sephiri, go hwetša monna boka yola, a bego a ka topa tau le go e kgeila ka bobedi. Eupša Simisone o be a le... Ntshwareleng bakeng sa tlhagišo ye, ke tla no e dira boka o be a le kgopana ye nnyane ya hlogo ya dikhele, e no ba mošemane yo monnyane wa mama, dikhele tše nnyane tše šupa tša bosetsana di lekeletše fase. Le a bona? Eng, gomme le a elelwa, o be a le mofokodi go fihla Moya wa Morena o etla godimo ga gagwe, nako yeo o tšere tau gomme a e kgeila diripana. Yeo ke nnete. Sa pele, Moya wa Morena godimo ga gagwe, ka gona o tsebile mo a bego a eme.

¹¹⁷ Gomme ge kerek e ka kgona feela go hwetša go tlotswa, go tlotswa ka tumelo ya kgonthe. Ge tau yela e rorile, ke a thankwa Simisone o šikinyegile. Eupša Moya wa Morena o tlile godimo ga gagwe. O be a phegelela, o rile, “Ke komana go kopana le wena,” a swara tau yela, a e goga go arogana gomme a e lahlela godimo lehlakoreng le tee, gomme a sepelela pele.

¹¹⁸ Ba mo tswalelala ka gare, bošegong bjo bongwe. Gomme o topile dikeiti tša Gasa, a di bea godimo ga magetla a gagwe, gomme a sepelela godimo ntlhoreng ya thaba le tšona. Nna, oo, nna, a monna, kgopana ye nnyane boka yeo. Eupša, selo sa yona

e bile, Moya wa Morena o be o le godimo ga gagwe. O be a le. Seo ke se se dirilego phapano.

¹¹⁹ Ka gona letšatši le lengwe, o be a dikologilwe ke Bafilelita ba sekete. Gomme o be a le fale, go be go se selo a bilego le sona, kafao o topile lerapo la mohlagare la moula, go molaleng o be a hwile lebaka la mengwaga ye masomenne goba go feta, gomme e be e le lerapo la kgale la go oma ka kgonthe. Gomme Bafilelita bale ba be ba apere dikefaphemo, le dijase tša se ba se bitšago tšipi, e lego legapi le legolo le lekoto la tshipi goba mphiri, gomme kefaphemo e ka ba intšhi ka bokoto. Gomme o topile lerapo lela la mohlagare la moula wola, gomme a bolaya sekete sa Bafilelita.

¹²⁰ A o kile wa nagana? Tšea lerapo lela la mohlagare la kgale la go oma go tloga leganateng fale, gomme o rathe ye nngwe ya dikefaphemo tšela, gabaneng, lerapo lela la mohlagare le tla ya ka go diripa tše sekete. Eupša o eme fale, gomme go kgabola tšona dikefaphemo tša tshipi, tšona le marumo, go no ba betha le letona le le letshadi, go fihla a ketotše sekete fase. Ka moka ga bona ba tšhabetše godimo ka maswikeng.

¹²¹ E be e le eng? Ge feela a be a ka kgona go obeletša morago kua le go ikwela yona melogo ye šupa, yeo e be e le kgwerano ya Modimo. Go be go se selo se yago go mo tshwenya ge feela a be a na le tshepišo yela ya kgwerano.

¹²² Gomme ga go selo se ka tshwenyago Kereke ya Modimo wa go phela ge feela re ka kgona go kwa Moya wo Mokgethwa wola, kgwerano ya Lentšu la Modimo ka dipelong tša rena, Tšhegofatšo ya Pentecostal. “Ka gore mediro ye Ke e dirago, le tla e dira le lena. Bophelo bjo bo lego ka go Nna, bo tla ba ka go lena. Bjalo ka ge Tate a Nthomile, kafao Ke roma lena.” Tate yo a Mo romilego, o tlie ka go Yena. Jesu yo a romago monna, o ya ka go monna. Ga se monna; ke Jesu. E be e se Jesu; e be e le Modimo. “Bjalo ka ge Tate a nthomile, kafao Ke roma lena. Bonang, Ke na le lena ka mehla, ebile go fihla pheletšong. Ke tla ba le lena, go fihla bofelong bja lefase. Gomme mediro ye Ke e dirago, le tla e dira le lena. Lebakana le lennyane gomme lefase le ka se Mpone gape; efela lena le tla mpona, modumedi, gobane Ke tla ba le lena, ebile ka go lena, go fihla bofelong bja lefase,” Jesu Kriste. Ge feela nka kgona go kwa Moya wola wa Modimo tikologong, se sengwe se ya go direga. Ke kgona go bona batho ba ba tla O dumelago, ba ba tla bonagatšago ditumišo le Letago la Modimo.

¹²³ Nako le nako ge o lebelela ngwedding, ga se ngwedi o phadimago, ke letšatši le phadima godimo ga ngwedi. Ge ke be nka kgona go re, “Ngwedi, ke eng e go dirago o phadime?” O re, “Ga se nna ke phadimago. Ke se sengwe se phadima godimo ga ka. Ke swanetše go swara seetša se eya, ka go se beng gona ga letšatši.”

¹²⁴ Gomme Kereke ke sekai sa ngwedi. Re swanetše go bonagatša Seetša mola go se be gona ga Morwa wa Modimo, gobane re barwa le barwedi ba Modimo, seetša se sennyane, gomme ge feela re kgona go bona ngwedi wola o bonagatša mohuta wa go swana wa Seetša letšatši le se dirago. Oo, ga se—ga se batho, ke Modimo ka go batho.

¹²⁵ Ke be ke fela, ge ke be ke fela, ke be ke le mohlokomedi wa diphoofofolo lebaka la mengwaga ye mmalwa. Ke rata diphoofofolo, gomme ke—ke rata go di hlokomela. Ka fao ke—ke be ke le moofisiri wa go lota lebaka la mengwaga ye šupago. Ke be ke fela ke feta kgauswi le sediba sa kgale. Seo e be e le sediba se sekaonekaone nkilego ka nwa go tšwa go sona. E be e le... Ka mehla ke be ke se rata ka baka la gore se be se thabile kudu, ka mehla se phophoma, se no phophoma, phophoma, phophoma. Gomme ka gopola, “Nna!” Ke patlama fase gomme ka nwa. Letšatši le lengwe, ka gopola, “Sediba se sennyane, ke eng se go dirago gore o thabe bjalo? A ke ka baka la gore mebutla e nwa go tšwa go wena?”

¹²⁶ Ge nkabe se be se kgona go bolela, se ka be se rile, “Aowa, seo ga se se ntirago gore ke phophome.”

¹²⁷ Gomme ke be ke tla re, “Mohlomongwe tshepe e nwa go tšwa go wena, gatee ka lebakana.”

“Aowa, seo ga se se ntirago gore ke phophome.”

¹²⁸ “Gabotse,” ke re, “sediba se sennyane, mohlomongwe ke ka gobane ke nwa go tšwa go wena, e ka ba gatee ka kgwedi.”

¹²⁹ O re, “Aowa, yeo ga se yona.” Ke be ke tla re, “Gabotse, ke eng e go dirago o phophome ka mokgwa woo nako yohle?”

¹³⁰ Ge a be a ka kgona go bolela, o be a tla re, “Ga se nna ke phophomago. Ke se sengwe ka morago ga ka, se ntira gore ke phophome. Se phophomela godimo.”

¹³¹ Gomme yeo ke tsela ye Moya wo Mokgethwa o lego go modumedi. Go na le se sengwe ka morago ga gago. O ka se kgone go O kgorometša, wa O kgeila. O a go hlokomela. Ke Wona o dirago go phophoma, Selo se sengwe ka gare ga gago. Bjalo ka ge Jesu a boditše mosadi sedibeng, “Didiba tša meetse di phophomelago godimo go ya ka Bophelong bjo bosafelego,” dipumpunyego tša mehleng di no fothela godimo mathabo a Modimo ka soulo ya gago, nako yohle. Gomme ge feela Kereke e ka kgona go kwa seo go ba dikologa, le—le tšhogilego ka eng, le a bona?

¹³² Simisone ga se a boife. O be a phegelela. Sohle a bego a na le sona e be e le—e le lerapo la mohlagare wa moula, eupša o be a phegelela ka baka la gore o be a tseba melogo ya gagwe e be e sa lekeletše fao.

¹³³ Ngaka a ka no ba a go boditše, “Ga go sebaka go wena go fola. O a hwa. O na le kankere.” Eupša ge feela o ka kgona go

dula mo le go kwa tsogo ya letago ya Jesu Kriste, ke phapano efe seo ngaka a se bolelago se dirago phapano e ka ba efe bjale? Le a bona, o a phegelela. O be a tla go thabela ge a le ngaka ye botse, o be a tla go botša gore o nyaka o fole. Seo ke se—seo ke se a nyakago o se dira. Gomme o swanetše go se dira; go ba le tumelo, o swanetše go phegelela.

¹³⁴ Johane o be a na le nnete kudu gore o be a tla bona leswao la maleba! O—o tsebile Modimo o mmoditše o tla tseba Yo Mesia a bego a le yena. O be a phegelela kudu!

¹³⁵ Gomme yo mongwe a ka no ba a rile, “Gabotse, a ga o nagane yo ke Yena?”

¹³⁶ O rile, “Ke tla Mo tseba ge A etla.” O bile le nnete kudu, gore a be a re, “Ye ke Kwana ya Modimo ye e tlošago sebe sa lefase.” O tsebile e be e le yona. O pakile go yona. “Ke bone Moya wa Modimo go tšwa Legodimong o fologela godimo ga Gagwe, bjalo ka leeba, gomme ke a tseba yoo ke Morwa wa Modimo.” Go phegelela! Oo, re ka kgona go ya pele le pele, ka baanegwa.

¹³⁷ Mosadi yo monnyane yo, o be a le Mogerika go tšwa nageng ya Sirofenike, gomme re hwetša gore o swanetše go be a kwele ka ditumišo le letago la Morena Jesu. “Tumelo e tla ka go kwa, go kwa Lentšu la Modimo.” O kwele, gomme ge a kwele . . .

¹³⁸ Le a tseba, tumelo e hwetša methopo yeo ba bangwe ba sa e bonego. Bjale ge o se ne tumelo, gabotse, gona, ga go tlhokego ya go leka go e bontšha go wena. Gobane, tumelo e kgona go e bona. “Tumelo ke kholofelo ye e tiilego ya dilo tše di holofetšwego, bohlatse bja dilo tše di sa bonwego.” Tumelo e bona se batho ba difofu ba sa se bonego. Tumelo ke sekwi sa boselela. Dikwi tše tlhano di lokile, ge feela di sa ganane le sa boselela. Eupša sekwi sa boselela ke tumelo, “ke kholofelo ye e tiilego ya dilo tše di holofetšwego,” ga o bone, latswe, kgwathe, dupe, goba go kwa, eupša go le bjalo o a e tseba. Tumelo e go botša bjalo. Gomme e ne kgonthé kudu gore ke kgonthé, gore e tla go wena kgonthé. E sego feela kakanyo. Ke se sengwe o nago le sona.

¹³⁹ Ke bona batho ba etla sefaleng, ba rile, “Ngwanešu Branham, ke na le tumelo yohle!”

“Gabotse, o dira eng godimo fa, gona?” Le a bona? Le a bona? Le a bona?

¹⁴⁰ “Ga ke na le yona.” Gomme, eupša fao ge o na le, ge eng kapa eng . . .

¹⁴¹ O bile le dilo go direga, o nno tseba di be di eya go ba. Efela o be o sa tsebe ka fao e bego e eya go ba, eupša e be e eya go ba. Yeo, yeo ke tumelo. Yeo ke tumelo ya kgonthé. E ya go direga nako yeo, ge o tseba gore e ya go ba. Bjale, tumelo e hwetša mothopo wo ba bangwe ba sa o bonego.

¹⁴² Lentšu la Gagwe ke tšhoša. Beibele e boletše bjalo, ka go Bahebère 4:12, gore Ke tšhoša. Eupša go tšea letsogo la tumelo

go hwidinya tšoša yela. Tumelo e nnoši e ka kgona go e dira, go swara tšoša.

¹⁴³ O be a na le ditšitišo tše ntši, mosadi yo monnyane yo. Bjale, o be a na le morwedi yo a bego—a bego a na le bolwetši bja go wa dihwahwa, gomme o be a le kudu, gampe kudu. Gomme o be a kwele gore Jesu o fodišitše bolwetši bja go wa dihwahwa. Bjale, “tumelo e tla ka go kwa,” gomme yoo e be e le ngwana wa gagwe, kafao o be a ikemišeditše go—go ya tlase felotsoko le go kwa Jesu. Gomme bjale o be a na le dišitiši tše ntši, feela tše ntši, ditšitišo tše ntši, eupša tumelo ya gagwe e be e se na le tšitišo.

¹⁴⁴ Bošegong bjo, batho ba na le ditšitišo tše ntši. Ge o... Monagano wa gago o na le ditšitišo tše ntši. Eupša, tumelo ya gago, ga go selo se ka kgonago go ema ka tseleng ya yona. Tumelo ga e tsebe ditšitišo.

¹⁴⁵ A re nong go nagana ka tše dingwe tša dilo tše di ka bego di diregile go mosadi yo monnyane yo. Ba ka no be ba boletše go yena, gore, “O Mogerika.” Ka mantšu a mangwe, “Kerekeleina ya gago ga e thekge kopano yela ka tšelete tlase kua. Ga o na le tokelo ye e itšego go ya tlase kua.” Gabotse, ge seo se ka be se bile ka monaganong wa gagwe, a ka be a se a dula botelele kudu go le bjalo. Yena, jeke nkabe e tletše, gomme nkabe a tlogile. Eupša re a hwetša, seo ga se sa ke sa mo emiša. Ge eba o be a le Mogerike goba aowa, o bile le tumelo. Seo ke sohle a bego a se hloka e be e le tumelo.

¹⁴⁶ Bjale yo mongwe a ka no ba a tlie go yena, gomme a rile, “Gabotse, matšatši a mehlolo a fetile. Ga go selo se sebjalo. Batho bale e no ba sehlopha sa—sa mahlanya.” Eupša go le bjalo o be a sa phegelela. O be a eya go ya go le bjalo.

¹⁴⁷ A re naganeng yo mongwe. Ba bangwe ba bona ba ka be ba rile, “Gabotse, o a tseba ke eng, monnamogatša wa gago ke—ke monna wa go tsebalega fa ka toropongkgolo, gomme ge o ka swarwa tlase fale le sehlopha sela, gabotse, monnamogatša wa gago ka kgonthe o tla go tlogela.” Eupša go le bjalo o be a sa phegelela. O be a na le tumelo, gomme o be a na le nyakego ya go e šomiša.

¹⁴⁸ Ba bangwe ba bona ba ka be ba rile, “Gobaneng, ge o ka ya tlase go papadi ya karata, goba e ka ba mohuta ofe wa boithabišo o yago go bjona, batho ba tla go sega.” O be a sa ntše a phegelela.

¹⁴⁹ Gomme ka gona selo seo sa kgale se ka no ba se tlie go yena, “O a tseba, modiša o tla go bea ka ntli ga kereke ge o eya tlase kua gomme wa hlakahlakana ka go se sengwe boka seo.” Eupša seo ga se sa ke sa mo emiša. O be a sa phegelela. O be a eya go le bjalo. Ka baka la eng? O ile a ratha tumelo. Tumelo e ya go e dira. Ga ke kgathale se ba bangwe ba se naganago; tumelo e a se dira.

¹⁵⁰ Mafelelong, o dirile tsela ya gagwe go kgabola ditšitišo tšohle tše, gomme a fihla go Jesu. Bjale, go bonagala e ke, bothata

bjohle bja gagwe bo be bo fedile, o fihlile go Jesu; eupša, e be e se, e be e no thoma.

¹⁵¹ Batho ba bantši ba tla re, “Gabotse, ge ke tseba Jesu . . .” Ee, re bona seo bošego bjo bongwe le bjo bongwe. Le a bona, O tla thwi le rena, bošego bjo bongwe le bjo bongwe, o netefatša Yenamong go ba fa, eupša go le bjalo re tla morago bošego bjo bo latelago, le ohle mathata a rena gape, le a bona. Le a bona? A yeo ke nnete? Bjale yeo ke nnete.

¹⁵² O fihlile go Jesu. Mohlomongwe o tla mohlomongwe . . . Ge nkabe a be a se a ba le mohuta wola wa tumelo, go nola moko ga mathomo ka morago ga go hwetša Jesu, gobaneng, a ka be a bile . . . a ka be a rathagane, gomme a ya morago. Eupša, le a bona, tumelo e ka se dire seo. Tumelo e ka se e lokolle. Tumelo e a phegelela. E swareletše thwi godimo. Bjale šetšang, o bile le boitshepo bjohle le tumelo ka go Monna yo. Bjale ge nkabe a be a no kwera, goba a no re, “Ke ya tlase le go e fa go leka, ke tla bona se A swanetšego go se bolela. Ge A bolela selo se sengwe kgahlanong le dithutotumelo tša rena, re tla—re tla no tloga. Yeo ke phetho.” Eupša o tlie go hwetša se sengwe, gomme o be a ikemišeditše go dula fale go fihla a se hweditše. Ke lena bao, yoo ke motho; boka kgošigadi ya Borwa, re rerile ka yona bošegong bjo bongwe.

¹⁵³ Hlokamelang ge a fihla go Jesu. Go na le gore a hwetše kamogelo, o ile a ganwa. Bjale ge le . . . Se le se naganago ka batho lehono ba tla fihla go lefelo lela le go swarwa ka mokgwa wola? Jesu o mmoditše thwi ka pela. Ka morago ga ge a tlie go kgabola ditšitišo tšohle tše, gomme mafelelong . . . [Lefelo la go se be le selo godimo ga theipi—Mor.] o rile . . .

¹⁵⁴ O tlie go Yena. Gomme o kitimetše godimo go Yena, go Mo rapela, gomme o rile, “Wena Morwa wa Dafida, nkgaogele, morwedi wa ka o tshwenywa gagolo ke diabolo. Gomme ke tsebile gore O Mofodiši yo mogolo, gomme ke tla go—go Go kgopela go nthuša.” O ile a no mo hlokologa. A mo lebelela, a sepelela pele. Oo, nna! O be a le gannyane go feta Pentecost ya rena ya sebjalebjale; nna, ba ka be ba šontše nko ya bona le go sepelela morago, ba re, “Ga ka swanela go dira seo.” Eupša e sego mosadi yola. O bile le tumelo. O dutše thwi fale.

¹⁵⁵ Bjale o ile ka morago ga Gagwe gape, “Morena, a nka se kgone go no ba le?” Gomme o be a sa nagane ka se a tliego go se kgabola. O be a sa nagane ka se a bego a tla swanela go ya go se kgabola. Selo se nnoši a bego a se tseba, o be a dumela ge a be a ka kgona go Mo dira gore a bolele bjalo! Seo ke sohle a se hlokilego go se tseba, ge A be a ka bolela bjalo! O tsebile e be e šoma go ba bangwe, gobaneng e be e ka se šome go yena?

¹⁵⁶ O lwa intšhi ye nngwe le ye nngwe ya tsela. Modimo, tlase ka Egepeta, o fa Palestina go Bajuda, eupša ba lwele intšhi ye nngwe le ye nngwe ya tsela! Modimo o boditše Joshua, “Mogohle

dikgato tša maoto a lena di khutšago, fao Ke le file gona.” Dikgato tša leoto di be di era phenyo, bong, gomme feela bokgole bjo o ka kgonago go namela ka go Mmušo wa Modimo. Ge o no nyaka go namela seripa se sennyane, gomme wa re, “Gabotse, ke a dumela nka no se swanele go ya heleng, eupša ke a dumela gore ke tla phološwa bofelong, ge nka tšoena kereke,” ga o sa na lefelo le lentši. Eupša tshepišo ye nngwe le ye nngwe ka Beibeleng ke ya gago, eupša o tla swanela go lwantšha mohlapetši yo mongwe le yo mongwe wa diabolo go tloga go yona, ka tšoša ya magalemabedi, le go e tleleima bakeng sa gagomong. Phegelela, sepelela thwi ka go yona.

¹⁵⁷ Bjale o fihlile thwi godimo go yena Modimo Yenamong. Gomme O mo hlokomologile. Gomme o kitimile ka morago ga Gagwe, a lla. O be a phegelela. “Morena, nthuše,” o boletše. O Mo rapetše, o rile, “Nthuše!”

Theetšang kgalemo yela. “Nna ga se ka romelwa go morafe wa lena.” Oo, nna!

¹⁵⁸ Gona bontši bja bona ba ka be ba emeletše, ba rile, “Gabotse, ke a thankā O be a se a romelwa go rena. Tsošeletšo ye ga e dire. Ke a thankā ke tla tloga.”

Le a bona, Jesu o tsebile o bile le mohuta wola wa tumelo. Le a bona?

¹⁵⁹ Gomme selo se sengwe O rile, “Morafe wa gago e no ba sehlopha sa dimpša.” Fše! Nna!

¹⁶⁰ O se ke wa bolela ka mokgwa woo go Mapentecostal a sebjalebjale. Oo! O bolela seo, ba re, “Gabotse, ke tla no tlogela sehlopha se le go ya go tšoena Assemblies. Gomme Maassemblies ba e bolela go nna, ke tla ya go ba bangwe, le ba bangwe, le ba bangwe, o a bona.”

Eupša e sego mosadi yola. O bile le tumelo.

¹⁶¹ O rile, “Ya gago... Ke be ke se ka romelwa go wena. Ke be ke se ka romelwa go morafe wa geno. Gomme, ntle le fao, ga le selo eupša sehlopha sa dimpša. Ga se gwa Ntshwanelo go tšea borotho bja bana mo, le go bo lahlela go lena sehlopha sa dimpša.” Oo, nna!

¹⁶² Seo ga se emiše tumelo. Tumelo e sa le gona, feela bonanana bjalo ka ge e kile ya ba. Tumelo e amogela eng? Therešo. O rile, “Yeo ke therešo, Morena.” Oo, nna! Bona ka fao o ka bago yo monnyane, e sego ka fao o ka bago yo mogolo. Tumelo e go dira yo monnyane. Hlokomela, go le bjalo o be a phegelela.

¹⁶³ Efela, O be a ka se mo fe šedi. O mo hlokomologile. Gomme mafelelong o tsene ka tseleng ya Gagwe gomme ga se A kgone go ya tikologong ya gagwe, gomme morago O mmreditše, o rile, “Nna ga se ka romelwa go wena, le wa geno... go morafe wa geno. Gomme morafe wa geno ga se selo eupša sehlopha sa dimpša. Gomme ga Ke ye go tšea borotho bja bana. Ga se gwa loka go

nna go tsea borotho bja bana, go fodiša sehlopha se, le go bo fa go dimpša ke lena.”

Gomme o rile, “Yeo ke therešo, Morena.”

¹⁶⁴ Tumelo ka mehla e tla amogela gore Lentšu ke Therešo. Amene. Le a bona? Ge o na le tumelo ya kgonthe, gomme Beibele e go botša gore o dira phošo, o tla amogela gore o phošo. O ka se re, “Bjale, ema motsotsa fa, ke wa . . .” Aowa, aowa, yeo ga se tumelo. Ge Lentšu le e bolela, gore o . . . Fao ke mo o rerešago goba o fošitšego, ke ka Lentšu. Yeo ke therešo.

¹⁶⁵ Bjale o boletše. Aowa, mohlomphegi, gore, o be a no se kgone go dumela gore a ka kgonia go ema go seo, kafao o ya kgole. Gomme o rile, “Therešo, Morena, ga re selo eupša dimpša, eupša ke no ba ke kgopela gore ke kgone go hwetša a mangwe a marathana ao a wago go tšwa tafoleng ya Mong.” O be a tsoma marathana. E no naganang ka seo.

¹⁶⁶ Lehono, e ba gore re hwetša llofo ka moka goba re ka se tšee e ka ba eng le gannyane. Le a bona? Re swanetše go ba bjohle bja bjona goba ga re tšee e ka ba eng.

¹⁶⁷ Go le bjalo o be a sa phegelela. O ile pele thwi. O be a se semela sa bobjalo bja go fiša seo se bego se swanetše go pepetletšwa le go peitwa, go thibela makeke. Aowa, mohlomphegi. O be a se yo mongwe wa metswako ye go swana le mabele a sebjalebjale a lehono, ba ba ipitsago Bakriste bonabeng. Ge Lentšu la Modimo le e boletše, gomme o le dumetše, o le bone le hlatselwa, o be a loketše go ya ka morago ga lona go sa kgathale gore yo mongwe o boletše eng. Le Kriste ka Boyena o be a sa kgone go mo emiša. Seo ke se tumelo e se dirago. Oo, seo se amogela Lentšu go beng nnete. O be a tsoma marathana.

¹⁶⁸ Elelwang, o be a se a ke a bona mohlolo. O tšwa go kerekeleina ye e bego e sa dumele go mehlolo. Yena, a dumela, o ile a swanelia go tšwela ka ntle ga kerekeleina ye e rilego, “Ga go selo se se bjalo bjalo ka mehlolo.” O be a le Montle. O be a se a ke a bona mohlolo, ka bophelong bja gagwe. Eupša go le bjalo, ge tumelo e tšea go swara, Modimo o fao. Le a bona? Ga se a ke a o bona, eupša o be a kwele ka ona.

¹⁶⁹ Ge o sa dumele go na le mehlolo, bala Beibele le ditshepišo tša yona go rena lehono. Tumelo e swere.

¹⁷⁰ O be a le se sengwe boka mmalegogwana Rahaba. Ge a kwele, ka ditlhodi, o be a sa nyake go bona Joshua, le go bona ka tsela ye a bego a apere le gore ke mohuta mang wa mohlabani a bego a le. O rile, “Ke kwele gore Modimo o na le lena. Ke kwele se Modimo a se dirilego.” Gomme o be a nyaka phološo, gomme a e hwetša; therešo, ka baka la gore o be a phegelela, le yena. O rile, “Ke tla le uta. Ke tla dira e ka ba eng. Eupša selo se tee ke nyakago le nkenela, gore ke tla phološwa lebakeng la nako ye.” Oo, nna, yeo ke kgopololo.

¹⁷¹ Gomme mosadi yo wa go šokiša o be a swana. O—o nyakile, o tsebile gore o be a eya go e hwetša. Go be go se pelaelo. Ga go kgathale se a bego a swanetše go se namela go kgabola, o be a eya go e hwetša golebjalo. Kafao Jesu o be ebole a sa kgone go mmušetša morago, ka go mmitša wa morafe wa go fošagala, go mmitša mpša, “Go be go se gwa loka go tšea borotho bja bana le go fepa dimpša,” le go ya pele ka mokgwa woo. Eupša go le bjalo o ile pele thwi ka morago ga yona, go le bjalo, ka gore o be a phegelela. O be a na le tlhoko, morwedi wa gagwe o be a ehwa. Ba bangwe ba be ba fodišitšwe, kafao gobaneng morwedi wa gagwe a be a ka se kgone go fodišwa? Gomme yoo e be e le Modimo wa tlholo.

¹⁷² Jesu o rile, “Bakeng sa polelo ye, diabolo o tlogetše morwedi wa gago.” Oo, nna! O bile le go batamela ga maleba ga mpho ya Modimo.

¹⁷³ A le a tseba Modimo o dira dilo dinako tše dingwe feela go—go dira dilo ka tsela ya go fapano, gomme go no hwetša se batho ba tla se dirago? Bjale go godimo ga hlogo ya gago, ga se o e bone gomme ga se o e hlokanele, eupša ke dirile se sengwe feela bjale go dira se sengwe. Gomme seo se nthušitše bjalo. Gomme ke se bogetše se šoma. Le a bona, o bolela dilo, o fetola mokgwatebelelo wa gago—wa gago—wa gago, o fetola segalontšu sa gago, o fetola dinako tše dingwe theroy a gago; o šeditše le go bona dilo tše rilego, morago šetša gomme o bona ka fao e dirago. Gobane, mothalo wa thapelo o lokela go tla godimo, go tla ba kaone go seo go se be magareng ga lena. Le a bona? Le a bona, go no e bona e direga, ka gona o a iphetola ka bowena gomme wa ya morago felotsoko gape. Le a bona? Modimo o dirile sona selo seo. O sa se dira, o hlakometše.

¹⁷⁴ O bile le go batamela ga maleba ga mpho ya Modimo. Gomme elelwang, o bile wa mathomo, Montle, yoo Modimo a kilego a dira mohlololo go yena. O bile Montle wa mathomo.

¹⁷⁵ Tumelo e amogela gore Lentšu ke Therešo. Gomme ke tlhomphokgolo, tlhomphokgolo kudu, gomme seo ke, le phegelelo, gomme seo ke se e lego sona.

¹⁷⁶ Maretia, ge a ile go kopana le Jesu. Bjale ge go na le yo mongwe a bileyo le tokelo ya go ahlola, e ka be e be e le Maretia, gobane o be a rometše Jesu go tla go rapelela ngwanabo ge a be a le ka seemong sa go hlobaetsa, a ehwa, gomme Jesu... Ba be ba tlogetše kerekeng, ba be ba tšwele ka ntle ga mosepelo wa kgale wa go hwa wo ba bego ba le ka go ona, gomme ba latetše Morena Jesu, ba Mo dumela go ba Mesia yo a tloditswego. Gomme ka nako yeo yena mogwera wa Gagwe, Latsaro, gore O tlile godimo le... Gomme ba be ba kgaotšwe kerekeng ya bona le go tšwa setšhabeng. Gomme yena mogwera wa Gagwe yo A tlilego godimo le yena, o be a robetše a babja, ntlheng ya lehu. Ngaka e be e ka se kgone go mo hola.

¹⁷⁷ Gomme o rometše go Jesu, gomme Jesu gabonolo o nno hlokomologa thomelo ya gagwe. Gomme O ile go toropokgolo ye nngwe, gomme O dirile selo sa go swana fale. Ba rometše gape, gomme O nno e hlokomologa le go ya pele.

¹⁷⁸ Gomme ka gona ka morago ga ge Latsaro a hwile, gomme a bolokilwe matšatši a mane. Sefahlego sa gagwe se be se šetše se phohlometše, ka nako yeo, naga yela ya go fiša. Nko e a phohlomela, bjalo ka ge ke botšwa, gomme go molaleng gore nama ya gagwe e be e šetše e phohlometše. Gobane, morago ga diiri tše masomešupa pedi, go bola go tsena mmeleng, gomme kafao re a hwetša.

¹⁷⁹ Ke swanetše go boloka monna mo matšatšing a se makae, Laboraro. Gomme o hwile Laboraro la go feta, gomme ba nno mo notlelela, le go no leta kua go nna go tla go rera poloko ya gagwe. Go molaleng gore ba be ba ka se kgone go mo swara botelele bjo bo itšego, ka baka la gore sefahlego sa gagwe—sa gagwe se be se tla phohlomela. Le a bona?

¹⁸⁰ Gomme seo ke se se bego se direga go Latsaro. O be a šetše a hwile.

¹⁸¹ Gomme ka gona ka morago ga ge a hwile, gomme go be go fedile, nako yeo mo go tla Jesu a ngwegela ka toropongkgolo. Ka fao nako yeo ba be ba tseba gore ba be ba eya go swaswalatšwa, ka baka la gore mohlomongwe ba be ba šetše ba swaswaladitšwe.

¹⁸² Eupša Maretā, o be a dikadika kudu, go bonagala; ka go lokišetša Jesu lefelo go robala, lefelo go Yena go jela, le go ya pele. Ebile o kgopetše Jesu, nako ye nngwe, go dira samme wa gagwe go tla go mo thuša. Eupša tlase ka pelong ya gagwe, tumelo e rathile. Ge Maria a dutše a homotše, a lla, gomme a sa dire selo ka yona, gomme a ineetše; Maretā o ngwegela ka ntłe ga—ka ntłe ga ntło, le tlase go kgabola toropokgolo. Ntłe le go kamaka, o kopane le ba bangwe mokgotheng, ba re, “O kae mofodiši yola yo Mokgethwa yo o bilego le yena tikologong mo? Go reng ka Latsaro bjale?” O fetile thwi kgauswi le bona.

¹⁸³ O fihlile mo A bego a le gona. Šetšang ka fao a bego a le. O kitimetše godimo go Yena. O be a na le tokelo ya go Mo kgalema, o be a na le tokelo ya go Mmotša, a re, “Bjale gobaneng O se wa tla ge ke Go biditše?” Ge seo e ka be e bile mo—mo Mopentecostal wa lehono, goba Mobaptist, goba Mopresbyterian, ba be ba tla fetola dikereke thwi ka pela. Le a bona? Kgonthe. “Gobaneng O se wa tla ge re Go biditše?” O bile le tokelo go dira, go bonagala e ke. Eupša o be a se ne tokelo go dira.

¹⁸⁴ Bjalo ka ge ke boletše bošego bja go feta, ga o na le kgopolō. Ke mogopolō wa Gagwe, le a bona, se A se dirago. ““Thato ya Gago a e dirwe,’ rapela ka mokgwa wo.” Ga se mošemane wa semamathana. Ke Modimo. Hlokamelang, “Mmušo wa Gago a o tle. Thato ya Gago a e dirwe.”

¹⁸⁵ Gomme ge a fihlile go Yena, o Mmatametše ka tsela ya maleba. O rile, a Mo fa thaetlele ya Gagwe ya maleba, “Morena!” E sego go Mo kgalema, eupša, “Morena, ge nkabe O be o le mo, kgaetšedi ya ka a ka be a se a hwa.” Oo, nna! Ke kgona go Mmona a goga wa Gagwe wo monnyane, mmele wa go lapa mmogo. Gomme—gomme O rile. . . “Ge nkabe O be o le fa, kgaetšedi ya ka a ka be a se a hwa. Eupša le bjale, eng kapa eng O e kgopelago Modimo, Modimo o tla Go fa yona.” Le a bona, o tsebile se Modimo wa tlholo a bego a le sona. O tsebile O be a le Mesia yo a tloditšwego. O Mmatametše thwi, godimo ga matolo a gagwe, o rile, “Morena, ge nkabe O be o le fa, kgaetšedi ya ka a ka be a se a hwa. Eupša le bjale, eng kapa eng O e kgopelago Modimo, Modimo o tla Go fa yona.” Oo, ge re ka no nagana seo! “Le bjale, Morena, eng kapa eng O e kgopelago Modimo, Modimo o tla Go fa yona.”

¹⁸⁶ O rile, “Ke nna tsogo le Bophelo.” Ga go motho yo mongwe a ka tsogego a bolela seo. “Ke nna tsogo le Bophelo. Yo a dumelago go Nna, le ge a be a hwile, go le bjalo o tla phela. Mang le mang a phelago gomme a dumela go Nna a ka se tsoge a hwa. A o dumela se?”

¹⁸⁷ O rile, “Ya, Morena. Ke a dumela gore O Morwa wa Modimo yo a bego a swanetše go tla ka lefaseng.”

O rile, “Le mmolokile kae?”

¹⁸⁸ Ke be ke bolela le mosadi e sego telele go fetile, gomme o rile go nna, o rile, “Ke—ke—ke rata go go kwa o bolela, Ngwanešu Branham, eupša,” o rile, “go no ba phošo e tee o nago le yona.”

Ke rile, “Ke a go leboga,” feela phošo e tee. Ke rile, “Ke eng yeo?”

O rile, “O ikgantšha kudu ka Jesu, ka go ba yo Mokgethwa.”

Ke rile, “Ke a holofela ke yona a nnoši A kago go e hwetšaka ka go nna,” ke boletše.

¹⁸⁹ “O ikgantšha kudu ka Jesu go beng yo Mokgethwa.” O rile, “O be a se yo Mokgethwa.”

Ke rile, “Oo, ee, O be a le Mokgethwa.”

O rile, “Gabotse, o Mo dira Modimo.”

¹⁹⁰ Ke rile, “O be a le Modimo goba mofori yo mogologolo lefase le kilego la ba le yena.” O a bona? Gomme ke rile, “O be a le Modimo.”

O rile, “O be a no ba Motho. O be a ka se kgone go ba Modimo.”

Ke rile, “O be a le. O be a le Modimo le motho, mmogo.”

Gomme o rile, “O rile o dumela Beibele.”

Ke rile, “Ee, meme, ke a dira.”

¹⁹¹ Gomme o rile, “Ge nka go netefaletša, ka Beibele ya gago mong, gore O be a se yo Mokgethwa, a o tla e amogela?”

¹⁹² Ke rile, “Ka kgonthé, ge Beibele e rile O be a se. Eupša,” ke rile, “ga ke dumele e ka Beibeleng.”

¹⁹³ O rile, “Ka go Mokgethwa Johane, tema ya 11, Beibele e rile, ‘Ge Jesu a ile tlase lebitleng la Latsaro,’ Beibele e rile, ‘O llile.’” Gomme o rile, “Ge A llile, O be a ka se be Mokgethwa, gomme a lla.”

¹⁹⁴ Ke rile, “Gabotse, mohumagadi, seo se ka se kgotlelele.” Ke rile, “Ke nyaka go go botša.” Ke rile, “Seo se sesefetše go feta moro o dirilwego ka moriti wa kgogo yeo e bolaišitšwego tlala go iša lehung,” Ke rile, “gobane seo se ka se swarelele godimo go Beibele.” Ke rile, “Lebelela, O ya tlase lebitleng, o a bona, gomme O eme pele ga lebitla, gomme O rile, o otlolotše mmele wa Gagwe wo monnyane gomme o rile, ‘Latsaro, etla pele!’”

¹⁹⁵ A ka no ba a be a le Motho, a lla; eupša ge A biditše monna yola go tšwa lebitleng, yo a bego a hwile matšatši a mane, gomme soulo ya gagwe leeto la matšatši a mane felotsoko! Ga ke tsebe mo e bego e le gona, le wena ga o dire. Kafao, go le bjalo, O mmiditše morago. Tshenyego e tsebile Mong wa yona. Soulo e tsebile Mohlodi wa yona. Gomme monna, o be a hwile, o eme ka maoto a gagwe le go phela gape, morago ga go hwa matšatši a mane. Yoo e be e le go feta motho. E be e le Modimo!

¹⁹⁶ E be e le Motho ge A etla fase go tšwa thabeng, bošegong bjola, gomme o be a swerwe ke tlala, a lebelela gohle go dikologa godimo ga mohlare wa mogo, go hwetša se sengwe go ja. O be a le Motho ge A be a swerwe ke tlala. Eupša ge A tšere dipisikiti tše tlhano le hlapi tše pedi, gomme a fepile dikete tše tlhano, yoo e be e le go feta motho.

¹⁹⁷ O be a le Motho ge A be a robetše ntle ka morago ga sekepe sela, bošegong bjola, moo bodiabolo ba dikete tše lesome ba lewatle ba ennego ba tla Mo nweletša. Gomme sekepe se sennyane sela sa kgale ka go ledimo lela, boka setswalelo sa lebotlelo ntle fale felotsoko, se phaphametše godimo le fase ka mokgwa wola. O be a le Motho ge A be a robetše, O be a lapile, maatla a be a tšwele ka go Yena. Eupša ge A beile leoto la Gagwe godimo ga morumo wa sekepe, gomme a lebelela godimo gomme a re, “Khutšo, homola,” gomme diphefo le maphotho a Mo obametše, yoo e be e le go feta motho. Yoo e be e le Modimo ka go Kriste, a boelanya lefase go Yenamong!

¹⁹⁸ O be a le Motho ge A ehwa sefapanong, a llela kgaogelo. Yeo ke nnete. Eupša O be a le Modimo mosong wa Paseka, ge A kgaotše setswalelo, o be a le ka lebitleng, o tsogile le go rotogela Godimo, (ee, mohlomphegi) o phela ka mehla go dira dipoelano. Monna le mosadi yo mongwe le yo mongwe, yo a kilego a ba thabeng ya dinawa, o dumetše seo. Ee, mohlomphegi.

¹⁹⁹ O a swana maabane, lehono, le go ya go ile! “O dumela se?” Ee, mohlomphegi. O no ba yo mogolo thwi fa magareng ga rena, bosegong bjo, bjalo ka ge A bile nako yela. O dumela se? Yena ke Mofodiši yo a swanago, bosegong bjo, O be a le nako yela. O dumela se? Nnete. A ka se kgone go šitwa. E ba le phegelelo. Swara maemo a gago ka go Kriste, boipolelo bja gago. Tiiša boipolelo bja gago ka go Kriste.

²⁰⁰ O be a phegelela gomme o hweditše tsogo ya kgaetšedi ya gagwe.

²⁰¹ Mosadi wa Mosunami o be a phegelela ka bogoneng bja Eliya. Eliya o tlie kgaušwi le go mo šegofatša, le go mmotša gore o tla ba le morwa. Morwa o bile e ka ba bogolo bja mengwaga ye lesomepedi. Ntle ka tšhemong, o swanetše go be a bile le setrouku sa letšatši. Mosadi yo o be a le botho kudu go Eliya. O be a le mosadi wa Mosunami, gomme o tlie go tšwa nageng ya Sunema. Gomme a hwetša... A re go monnamogatša wa gagwe, e le monna wa mohumi, o rile, “Ke a bona gore monna yo yoo a fetago kgaušwi fa ke monna yo mokgethwa.” O rile, “A re mo dire ka botho tsoko.” O rile, “A re mo agele kamora ye nnyane ka lehlakoreng la rena la ntlo mo, ge a etla kgaušwi, le go mmeela malao a mannyane le moeta ntle kua, gore a kgone go ikhutšiša yenamong.”

Gomme monnamogatša wa gagwe o rile, “Seo se tla ba gabotse kudu.”

²⁰² “Kafao le dira se sengwe go ba bannyane ba, le se direla Nna,” Jesu o boletše.

²⁰³ Kafao o rile, o boditše mohlanka wa gagwe, Gehasi. O rile, “Eya go mmotšiša, a nka kgona go bolela le mokapotene, goba nka kgona go mo direla eng?”

O rile, “Aowa, ke dula magareng ga batho ba gešo. Ke lokile.”

Gomme Gehasi, Gehasi o rile, “Eupša ga a na le bana ba ba itšego.”

²⁰⁴ O rile, “Eya o mmotše.” Go tlie pono. O rile, “Eya o mmotše, e ka ba ka nako ye o ya go belega ngwana.” Gomme o dirile.

²⁰⁵ Mošemane o bile e ka ba bogolo bja mengwaga ye lesomepedi. Wa gagwe, tatagwe a tšofetše. O be a le ntle ka tšhemong, letšatši le lengwe, o swanetše go be a bile le setrouku sa letšatši. E be e ka ba ka sekgalela, a thoma go lla, “Hlogo ya ka! Hlogo ya ka!” O rometše mošemane ka gare. Gomme o robetše difarong tša mmagwe go fihla a ehwa. Lebelelang ke lefelo lefe la maleba, o mo tšeetše ntle ka kamoreng yela moo moprofeta yola a bego a robala malaong ale. Le a bona?

²⁰⁶ Gomme o rile go mohlanka, “Rweša moula sala, gomme o tšwele Thabeng ya Karamele. Godimo fale go na le legolo felotsoko, moo moreri yo a phelago. O bile yena yo a bilego le maatla go bona pono, o boletše gore ke tla belega morwa yo;

gomme ge a le kgauuswi go lekanelo le Modimo, ke motseta wa Modimo wa iri. Gomme ke a tseba, ge a ka kgona go mpotša gobaneng, ge nka fihla go yena, o tla mpotša se Modimo a tšerego ngwana bakeng sa sona. A nke ke emelele godimo kua.” O rile, “Ge e ka ba mang a dumediša, o se dumediše. Gomme o se eme; nno tšwelapele o eya.”

²⁰⁷ Oo, ke rata seo! Nako ya tšhoganetšo bjale. Batho ba a hwa, ga ra swanelo go be re tsekella tikologong mo tseleng. Eya pele. Gomme o be a phegelela.

²⁰⁸ Gomme Eliya. Le a tseba, Modimo ka mehla ga a botše baprofeta ba Gagwe se sengwe le se sengwe seo se yago go direga. O lebeletše godimo gomme o mmone a etla, o rile, “Mosunami yola šo o a tla.” Gomme o rile, “O tletše manyami, eupša Modimo o nkutetše yona.” O rile, “Kitima, kopana le yena.” Gomme o . . .

²⁰⁹ O rile, “A tšohle di gabotse le wena? A tšohle di gabotse ka monnamogatša wa gago? A tšohle di gabotse ka morwa?”

²¹⁰ Ke rata se, phegelelo yela go fihla a tsena ka bogoneng bja motseta. Gomme o rile, “Tšohle di gabotse.” Mon- . . . monnamogatša wa gagwe a fogohla diatla tša gagwe, le go sepelela godimo le tlase kamoreng, a lla, gomme lesea le robetše malaong, le hwile, eupša, “Tšohle di gabotse.” Amene. Gobaneng? O be a tlide nepong ya gagwe. O be a dirile nepo ya gagwe. Phegelelo ya gagwe, gore a kgone go fihla go monna wa Modimo, monna wa Modimo o kgonne go mmotša gobaneng. Gomme ka gona a wela fase maotong a gagwe gomme a utolla se se bego se diregile.

²¹¹ Bjale o obeleditše gomme a tšeа lepara la gagwe, gomme o rile go mohlanka wa gagwe, “Tšeа le, gomme o ye o le bee godimo ga lesea.” Bjale, ke nagana ke moo Paulo a ilego a bea disakatuku godimo ga batho. Le a bona, gobane Eliya o tsebile gore se sengwe le se sengwe a se kgwathago se šegofetše, eupša ge a ka kgona go dira mosadi go e dumela!

²¹² Eupša tumelo ya mosadi e be e se ka go lepara, e be e le ka go moprofeta. Le a bona? Gomme o rile, “Bjalo ka ge Morena Modimo a phela, gomme soulo ya gago e sa tsoge ya hwa,” le a bona, o be a hlatseditše fale o be a ne Bophelo bjo Bosafelego. O rile, “Gomme soulo ya gago ga e tsoge ya hwa, ga ke ye go go tlogela.” Oo, nna, dula le yona! Yeo ke yona.

²¹³ Yeo ke tsela ya go hwetša se o se nyakago. Go swana le mosadi yo wa Mosunami, go swana le mosadi yo wa Sirofenike, dula le lona! Dula thwi fao. Dula thwi le Kriste. Swarelela go yona, bošegong bjo, gomme o sware fao. O se ke wa šutha. Gosasa, ge yo mongwe a re, “Seo e no ba . . .” E no tswalela ditsebe tša bona go bona. O na le tumelo: O dule fao.

O rile, “Nka se go tlogue.”

²¹⁴ Gomme Eliya o rile, “Gabotse, ga ke kgone go mo tloša, le nna nka no ya le yena.” Kafao o gahlile matheka a gagwe, gomme o ile kgole.

²¹⁵ Šetšang ge a tsene ka kamoreng. O be a sa tsebe a dire eng. Ga se a tsoge a rapela. O nno sepelela morago le pele, godimo le fase lebatong, go fihla a ikwetše Moya wa Modimo o etla godimo ga gagwe. Ka gona o ile gomme a ithobatša yenamong godimo ga lesea, gomme a ethimola makga a šupago, le go tla bophelong.

²¹⁶ Maretia o tsebile, ge Modimo a be a le ka go moprofeta yola, ka nneta O be a le ka go Morwa wa Gagwe, le a bona, gomme ke ka baka leo a kgonnego go phegelela.

²¹⁷ Gomme ge re bile le mengwaga ye dikete ya boitemogelo ge e sa le go tloga nako yeo, go tseba gore Modimo o boloka tshepišo ya Gagwe, re swanetše go phegelela bjang bošegong bjo ge re kgona go bona Bogona bja Jesu Kriste, oo, nna, le go phadima boka dinaledi!

²¹⁸ Ke elelwa bošegong bjo bongwe, kua gae e sego kgale kudu, go be go le mosadi, gomme ke be ke sa tsebe mosadi o be a nyaka go rapelelwa. Ga se ke ye tlase le go rapelela balwetši bošegong bjoo. Gomme go be go pakelane kudu go dikologa lefelo! Gomme ba bangwe ba bahlokamelaphahlo ba ka ba dutše ka fa felotsoko, bošegong bjo, ba be ba le gona. Gomme go be go le mosadi a etšwa California, o be a na le sešo sa diponto tše masometlhano. O be a ka se ye go ngaka; gomme morago, ge ba mo dirile a ye, e be e le se segolo kudu go dirwa karo, sešo se segolo sa meetse. Gomme o be a le ntle ka mokgwa *wo*, sešo se segolo bogolo. Gomme ba be ba mo tlišitše kua. Ba bile . . . ba be ba sa kgone go mo tliša ka koloing, ba ile ba swanelo go mmea ka letorokong, boka, go mo tliša. Gomme ba mo tlišitše ka gare. Ke be ke sa e tsebe, gomme ke nno ya pele le go bolela. Gomme o rile, “Gabotse, a ga a ye . . .” Ke dirile pitšo ya aletara. O rile, “A ga a ye go rapelela balwetši?”

Ba rile, “Aowa.”

²¹⁹ O rile, “Ke mojako ofe a tšwago ka ona?” Uh-huh. Bjale e nong go nagana, tumelo ya gagwe! Gomme ba tšere mosadi go dikologa, gomme ba mo rwalela go dikologa go ya mojako wa ka morago, moo ke yago ntle go kgabola boithutelo bja modiša le go ya koloing ya ka.

²²⁰ Gomme mosadi a robetše fale, o ntshwere ka leoto la borokgo, gomme o rile, “Ngwanešu Branham!” Yo mogolo, oo, nna, o be a le ntle ka mokgwa *wola*. O rile, “Ge o ka no bea diatla tša gago godimo ga ka, Modimo o tla ntira ke fole.” Gomme ke dirile seo.

²²¹ Gomme e ka ba dikgwedi tše tharo go tloga nako yeo, ke be ke le ka kopanong. Gomme šo o eme, feela go itekanelo ka go phethagala bjalo ka mosadi ofe kapa ofe ka nageng; gomme o laleditše kgaetšedi e ka ba mang fale go ya le yena ka kamoreng, le go hlobola le go bona ge eba o bile le karo goba aowa.

²²² Ka baka la eng? O be a phegelela. O be a ikemišeditše go hwetša se a bego a se tletše. Yeo ke tsela ye e lego ka gona. Ee, mohlomphegi. Tumelo ya bona e be e swere Lentšu.

²²³ Mika, nako ye nngwe, ge a biletšwa ka gare. Ge Josafate a dirile sekgotsi le Ahaba, ke ge modumedi le mosedumele ba hlakana. Gomme o rile ba nyakile go ya go ba le ntwa; ba be ba eya godimo lefelong, go tšeа naga ya bona beng. Motheong, e be e le ya bona. O rile, “Gobaneng Basiria ba ba swanetše go be ba ej a lehea leo e lego la Israele? Joshua o re fa yeo!” Yeo ke nnete tlwa. Kafao ba ile gomme ba bile le sekolo se segolo sa bareri tlase fale, seminari ka moka; tlhano, makgolonne goba makgolotlhano a bona, banna ba Bahebere ba ba hlahlilwego gabotse.

²²⁴ Gomme kafao Josafate o rile, go beng monna wa moloki, o rile, “Eupša a re ka se botšiše Morena?”

²²⁵ O rile, “Oo, ee, mohlomongwe go bjalo.” Ahaba, o tseba se moisa a bego a le, kafao o ya tlase. Gomme o rile, “Ke na le karabo, ke na le baprofeta ba makgolonne. Re tla ba tliša godimo mo.”

²²⁶ Ka fao ba ya tlase kua, gomme yo motee wa bona, Tsedekia, ke a dumela e be e le, o itiretše dinaka tše pedi tše kgolo gomme o ile godimo fale, a re, “O RIALO MORENA. Eya godimo, ke ya gago. O RIALO MORENA, o tla šušula bona Basiria thwi go tšwa nageng, ka dinaka tše.”

²²⁷ Josefate o lebeletše tikologong, le a tseba, gomme o—o rile, “A ga o ne yo mongwe?”

²²⁸ “Yo mongwe? Ge baprofeta ba makgolonne ba ba hlahlilwego ba Bahebere go tšwa sekolong, o hloka eng ka yo mongwe? Re na le makgolonne! Seminari ka moka e mo, gomme bohole ba bona ka mmtero o tee, ba re, ‘Eya godimo, Morena o na le wena. O RIALO MORENA.’”

Josefate o rile, “Gabotse, a ga o ne yo mongwe?”

²²⁹ O rile, “Oo, ke ne yo mongwe nka mmotšišago,” o rile, “yoo ke Mika morwa wa Jimila, eupša,” o rile, “ke mo hloile.” Oo, nnete. Ya. O rile, “Gabotse, ebile ga a dumelane le dikerekemaina tše le dilo.” O rile, “Rena—rena, gabotse, o swanetše. Fao, go na le moisa wa go se tlwaelege,” ba boletše.

“Oo,” o rile, “le se dumelele kgoši go bolela bjalo. Eyang le mo tše.”

²³⁰ Kafao ba rometše yo mongwe wa baisa tlase, o rile, “Bjale, Mika, o a tseba gore o beilwe ka ntle ga mokgatlo, ga o sa na le kopanelo le bona gape. Eupša bjale ge o ka no bolela, selo sa go swana ba se dirago, ba ka no go fa karata ya gago ya kopanelo morago, ge o etla morago gape.” A o ka eleletša a bolela le moprofeta ka mokgwa wola?

²³¹ Mika o rile, “Bjalo ka ge Morena Modimo a phela, ke tla bolela feela se A se bolelago.” Bjale ke lena bao. Amene. Yeo ke yona.

“Gabotse, o tseba se ba ka go direlago?”

²³² “Seo ga se tshwenye. Ke tla bolela feela se A se bolelago.” O ile morago go yena, o rile, “Bjale ntumelele ke be le bošego bjo, gomme ke tla bona se Morena a se boletšego.”

²³³ O tlie morago mosong wo o latelago, gomme a re, “Rotogela godimo. Ee, mohlomphegi. Rotogela godimo. Eupša ke bone Israele, boka dinku di šwalalanego, di se ne modiši.”

²³⁴ Ka gona Tsedekia yo o tla godimo, gomme a tsea seatla sa gagwe gomme a mo phasola thwi ka molomong, “mopshikologimokgethwa yola yo monnyane,” o mmeile fase gomme o rile, “Moya wa Modimo o ile ka tsela efe ge o tšwile go nna?”

O rile, “O tla bona.”

Kafao o rile, “Go reng ka yona?”

²³⁵ O rile, “Ke bone pono bošegong bja go feta. Ke bone Modimo a dutše godimo lefelong la go phagama, gomme ka go Ye, Terone ya Gagwe ye kgolo ya godimo.” Gomme o rile, “Yena, bohole ba bona ba be ba Mo dikologile. Ba bile le khansele, ‘Ke mang re ka mo hwetšago go ya tlase le go fora Ahaba, go mo iša godimo kua go phethagatša se moprofeta Eliya a se boletšego? Nka kgona go dira eng ka se?’” Gomme o rile, “Moya wa maaka o tlie godimo, gomme o rile, ‘Ke tla ya tlase le go tsena ka go baprofeta bale, le go ba dira ba aketše.’ Gomme Morena o rile, ‘Ke wena yo a ka kgonago go e dira, ka baka la gore ba be ba le ba ba hlahlilwego ka mokgwa wa seminari, le a tseba.’ O rile, ‘Eya o e dire. Seo ke sohle o ka kgonago go se dira.’” O ile tlase kua, gomme o se dirile!

²³⁶ Bjale le re, “Gabotse, ke mang a bego a tla tseba se se bego se lokile?” Mika o be a na le Lentšu!

²³⁷ O ka kgona bjang go šegofatša se Modimo a se rogakilego? O ka kgona bjang go botša batho gore ba ka kgona go phela ka mokgwa wo le go dira dilo tše, gomme ba fele ba sa swareletše kopanelo ya Jesu Kriste? O ka se kgone go e dira. O swanetše go tswalwa gape le go tlatšwa ka Moya wo Mokgethwa. [Ga go selo go theipi—Mor.] “...Jesu Kriste, bakeng sa go tlošwa ga dibe tša lena, gomme le tla amogela neo ya Moya wo Mokgethwa. Ka gore tshepišo ke ya bana ba lena, le bona ba ba lego kgole, le ba bantši ba Morena Modimo wa rena a tlagi go ba bitša.” Yeo e be e le taelotšhomiso. Ga o nyake go tshwenyana le taelotšhomiso yeo.

²³⁸ Ngaka e kgona go go ngwalela formula. Gomme o tseela yeo go rakhemese tsoko wa setswialegotlo, gomme ga a e hlakanye gabotse, o tla bolaya molwetši wa gago.

²³⁹ Gomme seo ke se e lego taba lehono, le tšere go šišinya diatla le se sengwe le se sengwe gape, sebakeng sa Yeo. Etla

morago! Modimo o dumelētše Petro go ngwala taelotšhomiošo ya ka Gosafelego bakeng sa phološo. Ga se ya ke ya fetoga, gomme E ka se kgone go fetolwa. Go šišinya diatla le go tšoena kereke, le dilo, di ka se tsoge tša tšea lefelo la Yona. E swanetše go tla morago, Lentšu ka Lentšu, ka tsela ye Le ngwadilwego Kua. Yeo ke taelotšhomiošo ye ba e šomišitšego tsela yohle go kgabola Beibele. Ba e šomišitše go fihla godimo go Khansele ya Nicaea, gomme nako yeo ba fetotše taelotšhomiošo. Ke ka baka leo re nago le maloko a mantši a go hwa lehono. Therešo. O swanetše go hwetša taelotšhomiošo ya nnete. Gona tsebang, ge e bethile senepša kua, e tla betha senepša bjale, “Ke ya lena le go bana ba lena, le bona ba ba lego kgole, le ba bantši ba Morena Modimo wa rena a tlago go ba bitša.” Le se ke la bea eng kapa eng go Lona. Le se ke la oketša eng kapa eng go Lona. Ge le bea eng kapa eng go Lona . . .

²⁴⁰ Elelwang, taelotšhomiošo e no ba moupo wa go lekanelā ka kua go tšea bolwetši, le go lekanelā go bolaya go lekanelā ga se—se sehlare sa molwetši. Gomme ge o sa dire, o bea bontši kudu bja—bja moupo ka go yona, goba se sengwe gape seo se ka se šomego, o e fokodiša kudu, e ka se thuše molwetši. O tšhela mpholo wo montši kudu ka gare, o tla bolaya molwetši. E swanetše go no ba nnete.

²⁴¹ Gomme O ngwadile taelotšhomiošo ya ka Gosafelego, ka gore ke ya moloko wo mongwe le wo mongwe. E sego go šikinya diatla, go tšoena kereke, le dilo tšohle tše dingwe tše. O rile, “Sokologang, gomme ka gona le kolobetšwe Leineng la Jesu Kriste go tlošweng ga dibe tša lena, gomme le tla amogela neo ya Moya wo Mokgethwa. O tshepišitšwe go lena le bana ba lena.”

²⁴² Ba tšere taelotšhomiošo yela gomme ba e phethagaditše ka go khaontara ye kgolo ya Modimo. Gomme ge ba dirile, ka Letšatši la Pentecost, ba fodišitše balwetši, ba dirile se sengwe le se sengwe seo se bego se swanetše go dirwa; gobane e be e le Modimo, Kriste ka go bona. Go lokile.

²⁴³ Mika o tsebile gore leo e be e le Lentšu la Morena, gobane e be e le tlwa se be—be Beibele, Moprefeta wa nnete, o boletše. Modimo o be a rogakile monna yola gomme a rogaka mosadimogatša wa gagwe, ka baka la bobo bja bona. Gomme ge (bona) A e rogakile, banna ba ba be ba kgona go tla bjang go dikologa le go e šegofatša?

²⁴⁴ Fa ke moo ba hweditšego kgopolu ya bona. Naga ke ya bona. Ka kgonthe e filwe go bona. Eupša dibe tša bona di ba rakile go tloga go yona. Kafao ba naganne, gobane naga e be e le ya bona, gore seo e be e le sohle ba bego ba swanetše go ba le sona. Aowa, mohlomphegi.

²⁴⁵ Ke ka mabaka. Ka go felela. O ka ba le phodišo Kgethwa, o ka ba le phološo, o ka ba le kolobetšo ya Moya wo Mokgethwa,

eupša ke ka mabaka, gore o phethagatša mabaka a Modimo. Ka ntle ga seo, ga se ya yo mongwe eupša badumedi.

²⁴⁶ Monna o rile go nna, e sego telele go fetile, modiredi, o rile, “Ga ke kgathale ge eba o tla tsoša le go ba le ditatamente tša dingaka tša go tsoša bahu, le se sengwe le se sengwe gape,” o rile, “Ga ke e dumele.”

Ke rile, “Ka kgontha aowa, ga se ya basedumele.”

²⁴⁷ E no ba feela go badumedi. E be e se ya fiwa basedumele. E rometšwe feela go badumedi. Seo ke sohle e lego bakeng sa sona, ke bakeng sa badumedi, e sego basedumele. Nnete, ba amogela fale seo—seo e lego phošo.

²⁴⁸ Eupša Mika o tsebile. Ge a bone pono ya gagwe e be e le tlwa le Lentšu la Modimo, gona o tsebile e be e rereša. Gomme o be a phegelela, ge eba e tšere bophelo bja gagwe goba aowa. O rile, “O tla hwetša, ge se sohle se direga seo ke se boletšego, se etla go phethega, gona o tla tseba moo O lego.”

²⁴⁹ Tsela ya go swana, monna wa sefov, ga se a kgona go phegiša thutamodimo ya bona; eupša o tsebile mahlo a gagwe a bulegile, kafao o be a phegelela ka yona. Go swana le Filipi, le go swana le Nathaniele, mosadi sedibeng, bohole ba be ba phegelela ka morago ga ge ba ile ba swara Modimo.

²⁵⁰ Bjale go tswaleleng, re ya go thoma mothalo wa thapelo feela bjale mo motsotsong, feela se sengwe se tla monaganong wa ka feela bjale go bolela.

²⁵¹ E se kgale go fetile, ke be ke le ka Mexico, tlase. Morena o nthometše tlase go Mexico City, ntikodiko ye kgolo yela kua. Oo, batho ba be ba le ka dikete atiša ka dikete. Gomme bošego pele, fao go bile monna wa mokgalabje wa sefov a tlidego sefaleng, gomme, bjale, e be e le ye nngwe ya diponagalo tša go šiisa kudukudu. Go be go le . . .

²⁵² Ke ba bakae ba tsebago Ngwanešu Espinoza? Le a bona, go ba bantši. Nnete. Gabotse, bjale, o be a le mohlatholli wa ka. A ka kgona go le botša se. Gomme go bile monna wa sefov a etla godimo sefaleng, Momexican wa go šokiša wa go tšofala.

²⁵³ Gomme diekonomi tša bona di lekelelantšwe ka go šokiša kudu fale. Mohlala, mohlomongwe mo—mo moagi wa ditena o tla hwetša dipeni tše ntši kudu ka letšatši, mohlomongwe a re re dipeni tše tlhano ka letšatši. Ga ke tsebe e tla ba eng. Gomme yoo ke Pedro, gomme o hwetša . . . Ke moagi wa ditena, kafao o hwetša dipeni tše tlhano ka letšatši, eupša o swanetše go šoma matšatši a mahlano go ithekela yenamong para ya dieta, le a bona, ka go diekonomi tša bona. Gomme go reng ka Pancho yo monnyane nako yeo, Chico, yo monnyane yo a swanetšego go šoma ntle mo gomme o hwetša feela dipeni tše pedi ka letšatši, gomme o na le bana ba bahlano go ba fepa? Eupša ba swanetše go boloka go lekanelo go tšwa go yeo, go tšuma kerese ya kirisi

godimo ga aletara ya gauta ya ditolara tše milione, bakeng sa dibe tša gagwe, le a bona. Seo ke se se mphišitšego, gomme kafao nako yeo go ba bona ba dira boitsholo go basadi ba ba hwilego, gomme ba abula ka matolo a bona, le dilo tša go swana le tšeо.

²⁵⁴ Kafao, bošego bjo bongwe, mokgalabje yo o tlile go kgabaganya sefala, o be a se a rwala dieta. Moriri wa gagwe e be e le wo mopududu. O be a na le kefa ya kgale e tlemilwe ka manti. O be a etla go kgabaganya sefala. Ke lebeletše moisa wa kgale. Gomme mo ke be ke eme ka para ye botse ya dieta le sutu ye botse. O be a foufetše. O be a sepela ka mokgwa *wo*. Gomme o rile, gomme o tšwetšepele go bolela se sengwe. Nnete, ga ke kgone go bolela feela mantšu a se makae a Spanish. O tlile go kgabaganya ka tsela *ye*. Gomme ke fihlile go yena, ke beile... Ke naganne ga go yo a tla mponago; Ke—ke beile leoto la ka ntle ka mokgwa *wo*, go bona ge eba leoto la ka, ge seeta sa ka se tla mo lekana. Ge se be se le, ke be ke eya go di khwamola le go mo dumelela go ba le tšona. Gomme, ka gona, leoto la gagwe e be e le le legolo kudu. Gomme kafao ke—ke mohuta wa... Ke rile, “Šegofala, papa.”

²⁵⁵ Gomme ke beile magetla a ka godimo, go bona ge eba jase ya ka e be e tla mo lekana. Gomme e be e ka se mo lekane, gomme bogolwane kudu. O be a se ne hempe, a nno apara jase ya kgale. Gomme ka gopola, “Mothaka wa go šokiša wa go tšofala, mohlomongwe ga se a ke a ba le sejo se sekaone sa go hlomphega ka bophelong bja gagwe.” Marokgo a gagwe a kgale, a mankgeretla, le lerole gohle godimo ga gagwe. Gomme mo diabolo ebole o mo foufaditše. Gomme o be a le fale, a sepela go kgabaganya kua, a bolela se sengwe. Gomme ke naganne, “Ge papa wa ka a ka be a phetše, a ka be a bile e ka ba bogolo bja mokgalabje yola.” Ke naganne, “O Modimo!”

²⁵⁶ Gomme ke beile matsogo a ka go mo dikologa. O swanetše go kwela batho. Ge o sa ba kwele, ga go tlhokego ya go rapela, ga o na kwelobohloko. Gomme ke beile letsogo la ka go mo dikologa.

²⁵⁷ Ke rile, “O se bolele se, Ngwanešu Espinoza.” Ga ba hlatholle thapelo, go le bjalo.

²⁵⁸ Kafao ke rile, “Tate wa Legodimong, e ba le kgaogelo go yena.” Ke bile le diatla tša ka di beilwe godimo ga gagwe ka mokgwa woo.

²⁵⁹ O goeleditše, “Gloria de Dios!” Seo se ra, “Letago go Modimo.” Le a bona? O lebeletše tikologong ka mokgwa *wola*, gomme mokgalabje o kgonne go bona gabotse ka mo ke bego ke kgona. O ile kua, a sepela go tloga sefaleng.

²⁶⁰ Gabotse, bo—bo bošego bja go latela, ba bile le e ka ba, oo, go nyakile go tloga fa go ya mojako, e be e tla ba sefala, gomme feela dišolo tša kgale le diaparo tša kgale tša mankgeretla di pakelane godimo kua, go rapelelwa. Gomme pula e be e tšhologa, ga se ba ke ba kgona go hwetša... Gomme ba tlile kua mosong woo, e ka

ba ka iri ya seswai goba ya senyane; gomme ke be nka se be fao go fihla bošego bjoo, e ka ba seswai goba senyane. Kafao go be go le batho ba bantši tikologong. Ga go ditulo go dula fase ka gare, boka le na le tšona. Ba itshamile o tee go yo mongwe. Ba eme kua ka puleng yela, basadi ka moriri wa bona ohle fase, ba kolobile, ba nno leta go kwa Lentšu la Bophelo.

²⁶¹ Gomme Mogenerale Medina o ntšeetše ka gare. Ke a thanka le tsebile ka yena, ke yo mongwe wa borakgwebo ba Bakriste. Gomme moprotestant wa mathomo e kilego a tšeelwa ka gare ka tlase ga tshireletšo ya mmušo. Mogeneral Medina ka Mexico, kafao nako yeo ke be . . .

²⁶² Bošegong bjoo ke tsene ka gare, ba ntheošeditše fase ka dithapo tsoko, morago ntle ka morago ga ntikodiko. Ke tlide tlase ka go yona ka mokgwa wo, ka dithapo, go tšwa morago go tšwa koloing. Gomme ge ke fihla tlase ka ntikodikong, Ke sepeletše godimo fale. Gomme Billy o tla go nna, morwa wa ka, o rile, “Go na le moisa fale a bego a efa dikarata tša thapelo.” Ke mmitša *Mañana*, seo se ra “bosasa,” o be a nokologa kudu, gomme o be a ka se tsoge a tla go ntše. Kafao o be a tla fa dikarata tša thapelo.

²⁶³ Gomme Billy o rile, “Gabotse,” o rile, “Papa, go na le mosadi tlase kua yo a nago le lesea la go hwa.” Gomme bohole le bone athekele ye ka go *Voice* ya Banna ba Kgwebo. Gomme o rile, “O na le lesea la go hwa.” Gomme o rile, “Ga re na dikarata tša thapelo.” Gomme o rile, “Ke na le e ka ba diašara tše makgolotharo tše di sa kgonego go mo swara.”

²⁶⁴ Gomme o—o be a le mosadi yo monnyane wa nthathana, feela mohumagadi yo moswa, mosadi yo moswa yo mobotse kudu. Gomme o be a . . . o bile le lesea le lennyane le la go hwa, le lepae le lennyane la methaladi godimo ga lona, a swere sebopego se sennyane sa go thatafala, e ka ba botelele bjo, ka matsogong a gagwe, o be a eme kua ge e sa le go tloga mosong woo. Lesea le hwile ka iri ya senyane, gomme ye e be e ka ba lesome bošegong bjoo. Gomme kafao o be a swere lesea le lennyane le ka matsogong a gagwe.

²⁶⁵ Gomme ke rile—rile, ke rile, “Gabotse, e no botša tšona diašara go mo thibela. Ge o mmeile ka gare le bona batho ba swerego karata ya thapelo,” ke rile, “e tla dira . . .” Gomme ke rile, “A o ka se mmotše a tle tikologong?”

²⁶⁶ O rile, “O ka se mmotše selo.” O rile, “O no se e theetše.”

Gomme ke rile, “Gabotse, diašara tša go lekanelo godimo fale, ka kgonthe, go mo thibela.”

O rile, “O ka se kgone go e dira.”

²⁶⁷ Ke rile, “Ngwanešu Moore.” Ke ba bakae ba tsebago Ngwanešu Jack Moore? Yena ke . . . Ke rile, “A ka se tsebe phapano gare ga gago le nna. Ga a ntsebe.” Ka re, “O ya tlase kua gomme o mo rapelele, Ngwanešu Moore.”

O rile, o rile, “Go lokile.”

²⁶⁸ Ke rile, “O ya tlase le go rapelela lesea. Gomme seo se tla mo kgotsofatša, gomme o tla ya gae.”

O rile, “Go lokile.”

²⁶⁹ Kafao ke retologetše morago go dikologa. Ke be ke bolela ka “tumelo e lego kholofelo ya dilo tše di holofetšwego,” le ka Jesu, le ka fao A dirilego ge A be a le mo lefaseng, a bolela le bona. Gomme feelsa ge ke thoma go bolela, ke lebeletše ntle pele ga ka, ka ponong, gomme go be go le lesea le lennyane la sefahlego se seso, gomme o be a—o be a ntshega. Gomme ke lebeletše gape.

Ngwanešu Espinoza o rile, “Ke eng, Ngwanešu Branham?”

²⁷⁰ Ke rile, “Se tshwenyege, Ngwanešu Espinoza. E no swara lešaba le thabišwa, nakwana feelsa.”

²⁷¹ Gomme ke ile ntle. Ke rile, “Ema motsotso, Ngwanešu Moore.” Gomme kafao o be a šetše a fihlile tlase moo yo monnyane...moo mosadi yo monnyane a bego a le. Gomme ke rile, “Mmotše a tliše lesea fa.”

²⁷² Gomme ka fao šo o tla godimo sefaleng. O ile a wela fase godimo ga letolo le tee, le rosari ka seatleng sa gagwe. O be a re, “padre,” seo se ra “tate,” le a tseba.

²⁷³ Ke rile, “Emelela bjale. Emelela.” Ke mo dirile a emelele. Ke rile, “Lesea le hwile?” O be a sa kgone go kwešiša. Megokgo e kitima go theoga sefahlego sa gagwe se sennyane, gomme moriri wa gagwe o tlaramologetše fase. Bjale ye ke therešo; Beibele ya ka šele. Gomme, le a bona, ke beile seatla sa ka godimo ga lesea le lennyane, gomme ke naganne seo se be se tla mo kgotsofatša. Ke be ke sa tsebe leo e be e le lesea. Ke be ke sa kgone go e bolela.

²⁷⁴ Gomme ke rile, “Tate wa Legodimong,” ke rile, “pele ga ka go bile pono ya lesea le lennyane, gomme mohlomongwe le e tla ba lona. Gomme ge e le lona, ke rapela Wena, Morena, go hlompha tumelo ya mosadi yo monnyane yo, go fa lesea la gagwe morago.”

²⁷⁵ Gomme feelsa nako yeo moisa yola yo monnyane o ntšhitše kgoeletšo gomme a thoma go goeletša ntle, feelsa ka maatla ka fao a kgonnego. Gomme mosadi yo monnyane, o be a sa tsebe a dire eng. Kafao o...Ke boditše Ngwanešu Espinoza. Ke rile, “Bjale o se e bolele. Gomme leta, eya gomme o dire ngaka a saena setatamente go yeo.”

²⁷⁶ Gomme ka go Voice, Voice ya Banna ba Kgwebo ba Bakriste, feelsa kgaußwana, e tšweletše. Le a bona, pele o ngwala e ka ba eng, o swanetše go ba le bohlatse gore yeo ke nnete. Ngaka o saenne setatamente, “Lesea le hwile, ka nyumonia; mohemo wohle o le tlogetše, mosong woo ka iri ya senyane,” ka ofising ya gagwe. Gomme ye e be e le ya lesome la se sengwe bošego bjoo, ge le etla morago bophelong gape, ka baka la gore mosadi yo monnyane o be a phegelela.

²⁷⁷ Ge Modimo a kgonne go bulu mahlo a monna wa sefofu, gape O be a ka kgora go neela lesea la gagwe morago. O sa le Modimo wa go swana, bošegong bjo, mogwera. O swanetše go phegelela, go fihlelala se sengwe. Go ka reng ge nkabe a ile a theetša, gomme a re, “Gabotse, lesea le hwile,” gomme a no le neela gomme a ya pele? Le a bona? Gomme bonang ge eba tumelo yela ya go swana yeo e phetšego ka go basadi boka mosadi wa Mosunami, e sa phela ka go batho lehono. Gatee ka lebakana, ba kgonne go ratha selo se sengwe sela. E sego go itiriša, e sego tumelo ya maitirišo; eupša se sengwe seo e lego sa kgonthe, se sengwe seo—seo e lego sa mmapale. A ga le nagane re ka dira seo bošegong bjo?

²⁷⁸ Bjale re ya go rapelela balwetši, go bea diatla godimo ga bona, Leineng la Morena Jesu, go ba rapelela. Bjale ka kgonagalo re ka ba le mothalo go kgabola ka gare e ka ba, oo, mohlomongwe metsotsye masomepedi, ye masometharo. Bjale re ka se kgone go ema bakeng sa tlhatho, ka kgonthe le kwešiša seo, gobane e tla ba bontši kudu. Eupša re ya go rapela le go bea diatla godimo ga balwetši. A o komana bošegong bjo? A o ikwela, ka pelong ya gago, selo se sengwe se kgwapareditšwe, Bogona?

²⁷⁹ Ke ba bakae ba bilego fa ka dikopanong go kgabola beke, a re boneng diatla tša lena. Ke a thanka ka kgonagalo bohole ba lena. Go lokile. Ke ba bakae bao ba sego ba ke ba ba ka go ye nngwe ya dikopano pele, phagamišang diatla tša lena. Gabotse, nna, seo ke seripa. Gabotse, ke a thanka ba bangwe ga ba kgone go tsena ka gare. Gabotse, a nke ke no re go bona . . . Nnete, ba bangwe ba bona ba ka no ba le karata ya thapelo.

²⁸⁰ Phodišo Kgethwa ke se sengwe seo Modimo a šetšego a se dirile. Le a bona, ke se sengwe. Re a dumela, gomme ke dumela ka pelo ya ka yohle, gore Beibebe ya Bahebere 13:8, “gore Jesu Kriste o a swana maabane, lehono, le go ya go ile,” O a swana. Gomme ke a dumela gore Bophelo bjo bo bego bo le ka go Kriste bo swanetše go ba ka go rena, ge re le Bakriste. Gomme O rile, ka go Mokgethwa Johane 14:12, “Yo a dumelago go Nna, mediro ye Ke e dirago, o tla e dira le yena.” O rile, ka go Mokgethwa Johane 5:19, “Nna ga ke dire selo go fihla Tate a Mpontšha.” A yeo ke nnete?

²⁸¹ Bjale fa, mohlala, fa. Yo mongwe le yo mongwe wa lena, bokgole bjo ke tsebago, ke basetsebje go nna. Go lokile, ke nyaka yo mongwe le yo mongwe go ba tlhomphokgolo ka kgonthe nakwana. Gomme ge Jesu Kriste a sa tšwelele magareng ga rena, ka Maatleng a Gagwe a go swana, gona ke nna moprefeta wa maaka, le se ntheetše gape.

²⁸² Ke ba bakae mo ba se nago karata ya thapelo, o ka se be ka mothalong wa thapelo, phagamišetša seatla sa gago godimo, kae kapa kae o lego. O lebelela ka tsela ye, gomme wa rapela ka pelo ya gago yohle, gomme wa dumela. Ye ke ye thata . . . E be e se ya,

ga se ra tla re loketše ye bjale, eupša ke a tseba ga re na le botelele kudu go dula mo.

²⁸³ Bjale ke ya go tšeela moya wo mongwe le wo mongwe ka fa ka tlase ga taolo ya ka, Leineng la Jesu Kriste. Bjale dulang tuu. Gomme ge o sa dumele, gonganeng, bokaonana o boloke hlogo ya gago e inamišitše, o a bona. O a bona?

²⁸⁴ Eupša ge o le modumedi, Beibele e boletše gore, “Yena ke Moprista yo Mogolo yo a kgonago go kgwathwa ke dikwi tša mefokolo ya rena.” Gomme O dirile bjang ge mosadi a Mo kgwathile? O retologile go dikologa le go tseba o be a le mang, le se be bego se fošagetše ka yena. O ile a bona megopoloy a pelo ya bona. A ga le dumele gore O a swana lehono le go ya go ile? Ge o ne tlhoko, o a rapela bjale. Gomme ke eng . . .

“O bolela ka eng, Ngwanešu Branham?”

²⁸⁵ Ge ke le mohlanka wa Gagwe, gomme ke tteleima gore bophelo bja Gagwe bo ka *fa*, gona mediro ya go swana e tla ipontšha yonabeng. Bjale, le a tseba motho a ka se kgone go dira dilo tše. Ga go kgonege. Eupša Kriste o dula a swana. Gomme ke nyaka le dumele seo.

²⁸⁶ E ka ba kae ka moagong, ke nyaka le be le tumelo ka go Modimo gomme le no dumela, gomme o re, “Morena Jesu, monna ga a ntsebe. Gomme ke be ke ekwa ka se, eupša mohlomongwe go bjalo, gomme mo- . . . Ga ke tsebe. Eupša ke a tseba ga a ntsebe. Gomme ke a tseba ge a ka kgona go mpotša . . . Bjale o re, ‘Phodišo ya gago e šetše e dirilwe.’”

²⁸⁷ Ge Jesu a be a eme thwi fa bjale, a apere sutu ye, yeo A mphilego, O be a ka se kgone go go fodiša. Ke ba bakae ba tsebago seo, lena baithuti ba Beibele? Aowa, O šetše a e dirile. Le a bona? Le a bona? O kgonne go netefatša gore O be a le Jesu, wa go swana maabane, lehono, le go ya go ile; e sego ka mabadi a dipikiri. Bophelo bja Gagwe! Mang kapa mang a ka ba le mabadi a dipikiri le go apara moriri wo motelele, mohlomongwe, le ditedu. Ebile ga re tsebe O apere ka mokgwa woo. Re ka se kgone go bolela gore yeo e be e le nnete. Le a bona? Eupša motho e ka ba mang a ka kgona go dira seo. Eupša Bophelo bja Gagwe ke bjo e lego bjona, Bophelo bja Gagwe ka go wena.

²⁸⁸ Bjale rapela, gomme o re, “Morena Jesu, a nke ke Go kgwathe,” le go hwetša ge eba O dula a swana maabane, lehono, le go ya go ile. Ge A ka e dira, a le tla dumela? Le a tseba yeo ke tsela ye A e dirilego. Seo se Mo netefaditše go ba Mesia.

²⁸⁹ Mohumagadi yo monnyane yo a dutšego mo, o tšwelapele a lebeletše godimo go nna, le go bea diatla tša gagwe godimo ga sefahlego sa gagwe, le go ya pele. O na le . . . Ga o na le karata ya thapelo, ke a nagana. Wena, ke ra mohumagadi yo monnyane, ga o na le karata ya thapelo. Aowa. Go lokile, a o ntumela go ba mohlanka wa Modimo? Ge Morena Jesu Kriste gona . . . Re basetsebane ba go phethagala, ke rena—ke rena morafe wa go

fapanā, o tee go tloga go wo mongwe. Eupša ge nka no bolela le wena.

²⁹⁰ Go duleng pele ga gago ke mogwera wa go loka wa ka, Mna. Dauch, go tšwa tlase ka Ohio, yo a bilego le go palelwa ga pelo ga go felela, e sego kgale kudu, ka masomesenyane tee a mengwaga ka bokgale. Dingaka di mo hlobogile, le se sengwe le se sengwe. Ke thomile go ya go yena. Ke ngwanešu wa go ratega, yena le mosadimogatša wa gagwe wa go ratega, ba dutše fale. Ke bagwera ba go loka ba ka. Gomme ke thomile go ya go yena. Gomme ke be ke sa tšwa go tšwa seteišeneng sa petrole, ke leka go fihla go yena, e ka ba dimaele tše makgolo a mmalwa, dimaele tše makgolotharo go tloga go nna. Gomme ke be ke otela ka maatla ka fao ke bego ke kcona, go fihla go yena, gobane o... O nteeditše, o rile, “Bill o a hwa.” Go palelwa ga pelo ga go felela, le tlhaselo ya pelo, gomme masomesenyane tee a mengwaga ka bokgale. Gomme ke thomile go tšwa seteišeneng sa petrole, ke bone Bill a eme pele ga ka, a sepelela go nna, mokgotheng. “Ke tla ka O RIALO MORENA. A ka se hwe.”

²⁹¹ Šo o dutše thwi mo bjale. Seo e bile dikgwedi tša go feta. O na le tumelo ye ntši. O dutše kgauswi le mosadi yo. O dutše thwi ka morago ga gagwe. O a dumela. O a dumela, le yena.

²⁹² Bjale, ga ke go tsebe. Eupša ge Jesu Kriste... Ge, re sa bolela bjale boka Morena wa renā a boletše le mosadi mo sedibeng. Ge A ka mpotša bothata bja gago ke eng, se o se nyakago, goba se sengwe, gabotse, o tla tseba ge eba ke Therešo goba aowa, a o ka se ke? Kebakeng sa morwa, gomme morwa yoo o na le seemo sa monagano. Ke... Ge seo e le therešo, emišetša diatla tša gago godimo, ge seo. Yeo, yeo ke nnete. Yeo ke nnete. Go lokile. Ge o ka dumela ka pelo ya gago yohle, gomme wa tše sekhafo seo o phumotšego sefahlego sa gago ka sona, se bee kgauswi le yena, gomme o se belaele, seemo seo se tla mo tlogela. Bjale yena Modimo yoo a ka go botšago... O se belaele. A ga o kgone go bona se se diregilego?

²⁹³ Lebelelang thwi—thwi go mosadi yo, a eya thwi go yena a dutšego fa, mo—mo mohumagadi wa lekhala. Ke mosetsebje go wena. Eupša go na le se sengwe o se dumago. Gomme nna ke le mosetsebje, morafe wo mongwe; feela boka Morena wa renā le mosadi mo sedibeng, yo motee Mojuda, gomme yo mongwe Mosamaria. Ge Modimo... A o na le karata ya thapelo? Ga o na le karata ya thapelo. Ke ra mohumagadi yo monnyane yo a aperego roko ya methaladi ye mehubedu, thwi fale. Ee. Go lokile. Ga—ga—ga ke go tsebe. Re basetsebane ba go felela. A yeo ke nnete? Gomme bjale ge Modimo a ka nkutollela seo e lego phošo ka wena, goba se sengwe, gomme o a tseba ge eba ke nnete goba aowa, a o ka se ke? Gabotse, ga go selo sa phošo ka wena, feela o na le pelo ya go swarwa ke tlala. O nyaka kolobetšo ya Moya wo Mokgethwa. Ge seo e le therešo, emišetša seatla sa gago godimo. Gona o tla O amogela, yeo ke nnete, ge o ka dumela ka pelo ya

gago yohle. Nno se belaele. Eba le tumelo go Modimo. Amene. Ya. O dumela ka pelo ya gago yohle? Ke nyaka le dumele ka tšohle tše di lego ka go lena.

²⁹⁴ Mohumagadi šo o dutše mo, o lebeletše thwi go nna, thwi go theoga mokgoba wola mo. O tlaišega ka bothata bja pelo. Ke a holofela ga a e foše. Modimo, mpotše ke mang. Yena ke Mdi. Fitzgerald. O dumela ka pelo ya gago yohle? O ka ba le phodišo ya gago. Phagamiša seatla sa gago. Ke mosetsebje go wena. A yeo ke nnete? Bothata bja pelo ya gago bo ile. A leo ke leina la gago? Yeo ke nnete. Ga ke go tsebe, ga se nke ka ke ka go bona bophelong bja ka.

²⁹⁵ Mohumagadi thwi ka morago ga gago, o na le tumelo ye ntši bjale. O na le karata ya thapelo ka seatleng sa gagwe, eupša mohumagadi o a tlaišega. Gomme go beng Ke Moya wo Mokgethwa, Seetša sela se lekeletše thwi godimo ga mosadi gabjale. O tlaišega ka... O na le sešo ka molaleng wa gagwe. Gomme gape o na le mogodu wa go wa. Yeo ke nnete, a ga se yona? E no bea karata ya gago ya thapelo lebatong, ga o sa e hloka gape. Eba le tumelo go Modimo. Dumela.

²⁹⁶ A o dumela ka pelo ya gago yohle? Le a bona? E no ba le tumelo. O se belaele.

Monna šo thwi morago mo, o na le sešo.

²⁹⁷ Le a bona, diabolo yola, o naganne o tla e foša nako yeo. Go ne monna o dutše thwi godimo fa, yoo a nago le sešo. Sešo se ka mokokotlong wa gagwe. Ga ke tsebe monna. Ga se ka ke ka mmona. Ke mosetsebje wa go felela go nna. Eupša ge ke bone diabolo yola a eya ntle fale, moriti wola wo moso; gomme ka gona ke o bone o kitima godimo ka tsela ye, o ile go ye, bakeng sa kgaogelo. Ba leka go phuthega go dikologa kua. Sathane o naganne o tla foša yeo, le a bona, ke tla e foša. Eupša Morena o mpontšhitše yona.

²⁹⁸ Monna a dutšego thwi fa, o na le sešo ka mokokotlong wa gagwe, gomme leina la gagwe ke Mna. Carson. Ge yeo e le therešo, emeleta ka maoto a gago, gomme o fodišwe Leineng la Jesu Kriste.

²⁹⁹ A le a dumela? Ebang le tumelo. Ge le . . .

³⁰⁰ Mosadi šo o dutše mo. O na le bothata bja pshio. O na le ditlhakahlakano. Leina la gagwe ke Mdi. Byrd. Yeo ke nnete. A leo ke leina la gago, mohumagadi? A ke mosetsebje go wena, a bjoo ke bothata bjo o bilego nabjo? Ge e le bjona, emeleta ka maoto a gago gomme o amogelete phodišo ya gago, Leineng la Jesu Kriste.

³⁰¹ Eyang le botšiše batho bale. Jesu Kriste o a swana maabane, lehono, le go ya go ile. A ga le—a ga le lemoge gore Bogona bja Gagwe bo fa?

³⁰² Yoo e be e le morwa wa ka a mpotša, “Bokaonana o se ye pele.” Le a bona, ke na le kopano gosasa, le gosasa, le pele le pele, le a bona.

³⁰³ Ke hlohla monna goba mosadi mang kapa mang ka mo go dumela. O be o ka se kgone go uta bophelo bja gago ge o be o swanetše bjale, ka Bogeneng bja Modimo. Seo ke tlwa se Morena wa rena a se dirilego. Seo ke tlwa se A se tshepišitšego ka matšatšing a mafelelo. Seo ke tlwa se se diregilego pele Sodoma e tšhungwa. Leo ke tlwa leswao la mafelelo le le tla tlago kerekeng. Re mo bjale nakong ya bofelo. A le a e dumela?

³⁰⁴ Nomoro ya karata ya gago ya thapelo ke eng? [Yo mongwe o bolela le Ngwanešu Branham—Mor.] Go lokile, ke tla le botša se se tla bago kaonekaone, a re tšeeng batho ka dikarolo. O re go na le dikarata tše ntši tša thapelo. Bjale le a bona Modimo o mo.

³⁰⁵ Bjale a go na le badiredi ba ba itšego? Se se lokile, Ngwanešu Vick? A go na le badiredi ba ba itšego mo, baena? Bjale ke bea diatla godimo ga batho ba, ga ke nyake bona batho ba eya, ba re, “Ngwanešu Branham o dirile se.” Le a bona? Ke—ke no ba ngwanabolena. Modisha wa lena o no ba le tokelo ye ntši go rapelela balwetši bjalo ka ge ke dira.

³⁰⁶ A ka no se be le mpho ye; aowa, ga a nayo, le a bona. Go na le e tee feela ya tšona ka lefaseng, ka nako. Seo ke tlwa se Beibele e se boletšego, le a bona. Yeo ke nnete. Gomme, seo, bjale hlokomalang.

³⁰⁷ Eupša modisha wa lena o beilwe ke Modimo, ge e le modumedi, go rapelela balwetši. Gomme ke kgopela ba bangwe ba lena badiredi baena go tla mo le go ema le nna ge re rapela; a nke ba bangwe Modimo-, badiredi ba go tlala ka Moya ba ba dumelago ka thapeleng bakeng sa balwetši, le mmogo le Ngwanešu Vick, Ngwanešu Boze. Ngaka Lee Vayle o kae le ba bangwe ba bona ba ba tlago go tla mo, gore . . . Beibele e rile, “Maswao a . . .”

³⁰⁸ A re emeng thwi mo, baena. Go reng ka thwi mo? Etlang thwi mo. Ee.

³⁰⁹ “Maswao a a tla latela bona ba ba dumelago. Ge ba bea diatla tša bona godimo ga balwetši, ba tla welwa ke maruru.” A le dumela seo? A o a dumela re ka Bogeneng bjo Bokgethwa bja Kriste? Amene.

³¹⁰ Ke nno nyaka le bone. Gobane ke boletše ka tsela ye ke dirilego, e be e le bakeng sa morero, le a bona, goba morero o šomile gabotse. Dilo tše kgolo di lokela go direga, ge o ka no e dumela.

³¹¹ Bjale ke tla le botša se ke nyakago le se dira, baena. Ke nyaka le aroganye seripa ka lehlakoreng le tee, le seripa ka go le lengwe, go dira boka mokgolokgotha wo monnyane go kgabola fa, gore batho ba kgone go tla. Ke tla thwi tlase le lena.

³¹² Ke ya go kgopela yo mongwe yo e lego moetapele wa pina, yo a tla tlago mo, yo a ka kgonago go etapele dipina. Ke nyaka go ya tlase kua le go rapelela batho. Yo mongwe yo a ka kgonago go ema mo le go šupetša batho ba ba yago go rapelelwa. Ke a le leboga, khwaere, bakeng sa go re fa... Seo ke se sebotse ka maatla sa lena, go re fa sekgoba sela go tla ka mokgwa woo. Go lokile.

³¹³ A nke badiredi ba be mothalong feela ka mokgwa wo, nnete. Retologang, lebanyanang seng sa lena, le a bona, ka mokgwa *wo*, gomme go swana le ka mokgwa wo ngwanešu le nna. Go swana le Billy le nna mo, re ema ka mokgwa wo, yo motee le yo mongwe.

³¹⁴ Bjale ke ba bakae ba nago le dikarata tša thapelo ka lehlakoreng le? A re boneng diatla tša lena. Ka nnete go na le nomoro. Ke a nagana go tla ba kaonekaone ge re ka ba dumelela go tšwela ntle ka lehlakoreng *le*, le go tla thwi tlase go bapa lehlakore, ka tsela ye. Bjale pele lena... Eupša a re dumeleleng karolo ya pele ya mothalo ye e nago le dikarata, a nke ba be mothalong thwi godimo mo, gomme re tla thoma go rapelela balwetši, le go bea diatla godimo ga bona.

³¹⁵ Ke a makala ke ba bakae fa, bošegong bjo, bao ba—bao ba lego gabotse le go fola, gomme a le ne kgahlego ka go batho ba go fola? Phagamišetša seatla sa gago godimo. Nnete, le a dira. Bjale elelwang, a le tla rapela le nna? Le rapele le nna. Bjale rapelang le badiša ba lena.

³¹⁶ Bjale go lena batho ba go babja bao le yago go lokologana le go rapelelwa fa. Elelwang, ge le etla go kgabola mothalo wo, gomme badiredi ba le nnamong ba a le kgwatha, elelwang, e no ba tiro go no swana le ge o be o kolobetšwe. O tlie, o na le diatla di beilwe godimo ga gago, ke badiredi ba go dumela, gore, Modimo o tshepišitše seo, “Thapelo ya tumelo e tla pholosa molwetši. Gomme maswao a a tla latela bona ba ba dumelago.” Monna ba ba tla mo go paka gore ba dumela ka go bodiredi bjo. Gomme ba tla fa bjalo ka badirišani le bjona, le rena mmogo. Bohle re mmero o tee. Re lefelong le tee ka nako e tee. Ke nako bjale bakeng sa phodišo. Eupša, ge o sa e dumele, o se tle, gobane e ka se go dire botse bjo bo itšego. Le a bona, o swanetše go e dumela. Bjale a le a dumela?

³¹⁷ Bjale a re nong go inamiša dihlogo tša rena feela dinakwana di se kae. Gomme re ya go opela ka go nokologa bjale. Yo mongwe le yo mongwe ka hlogo ya gago e inamišitšwe. “Morena, ke a dumela,” *Dumela Feela*, bjale yo mongwe le yo mongwe mmogo. A re beng re rapela bjale, le a bona.

³¹⁸ A re eleletšeng go boneng Jesu a etla fase go tšwa thabeng. Jesu ofe? Jesu yola wa go swana yoo a lego fa ka sebopego sa Moya wo Mokgethwa. Yena wa go swana yoo a tsebago se se lego ka pelong ya gago, ge eba ka kgontho o a dumela goba aowa.

Yena wa go swana yo a tsebago tšohle ka wena, o go botša bošego morago ga bošego. Ke Yena. Le a tseba e be e ka se be nna.

³¹⁹ Gomme bjale ka morago ga bja Gagwe—bja Gagwe Bogona...Bjale, mosadi yo monnyane wa Sirofenike, elelwang, ka morago ga ge a tsene ka Bogoneng bja Jesu, go le bjalo o be a na le bothata. O ya go ba le bothata. Ge o etla go kgabola mothalo wo, ke a go nyaka, yo mongwe le yo mongwe, go dumela gore o ya go fola. Ge o se, o se ke wa tsena. O se ke—o se ke, o se ke wa no tšea lefelo la ba bangwe. Dula fao go fihla o eba le tumelo ya go lekanelo gore o ya go fodišwa, gomme ka gona Modimo o tla e fa go wena.

³²⁰ Bjale bao ka lehlakoreng la ka le letona fa, lokologanang godimo ka lehlakoreng, ge ka moka ga re opela *Dumela Feela*. Wena ka karata ya thapelo, ba bangwe ba bašemane ba tla be ba eme Kua go amogela karata ya gago ya thapelo ge o etla ka mothalong, godimo ka lehlakoreng le, lehlakore la letsogo le letona. Eya ntle ka lehlakoreng la letsogo le letona ge ka kgonagalo o ka kgonal, gobane e tla ba gakantha, go thoma ka tsela *ye*. O ka se kgone go ya morago. O swanetše go tla tikologong ka tsela *ye*, le a bona; o swanetše go tla ka tsela e tee, go ya go dikologa. Ge lena baena le ka no—la no tepogela morago fale gomme la ba lesa ba tle ka tsela ye. Ke nthathana, e ka no bonala e gakantha nthathana, ka gore go se sebjalo se—se—se sehlopha sa batho go hlokamelwa. Eupša bjale šetšang morwa wa ka, Billy Paul, šetšang diašara fale; ba tla no le botša feela mokgwa wa go e dira, go ka se gakaneg nthathana. Ka gona le a bona, ka lehlakoreng le, ge le etla go kgabola mothalo wa thapelo, ka gona le tla ya thwi morago go setulo sa lena. Gomme ka gona re tla tšea lehlakore le lengwe le, gomme ba tla tla go tšwa ka tsela *yela*, le go tla go kgabola, le a bona.

³²¹ Bjale re tla ema fa, feela pele le morago, mothalo, go tloga lehlakoreng le tee go ya go le lengwe, le go ba rapelela. Go lokile.

³²² Bjale ke a dumela ge lena baena le ka šuthela fase feela gannyane ga nthathana, gore banesu ba mo ba kgone go tsena ka gare thwi mo, gore bohole re kgone go bea diatla godimo ga balwetši. Seo se no ba gabotse.

³²³ Bjale theetšang, baena, yo mongwe le yo mongwe wa lena bjale. Yo mongwe le yo mongwe wa lena baena, a le lemoga se le se dirago, le a bona, le tseba maemo ao Modimo a le beilego ka go ona? Bjale se se hlohla tumelo ya lena. E no elelwang gore o ya go dumela gore motho yo mongwe le yo mongwe yo o mo kgwathago, wena, o swanetše go fola. Ba no swanela go e dira. Modimo o boletše bjalo. Ke ya go ba kgwatha, le lena, gomme ke a dumela ba ya morago go fola. A ga le dumele seo? A re nong go ba le lentšu la thapelo magareng ga rena beng, ge ka moka ga lena le eya pele le go lokologana, re ya go rapelela seemo sa tumelo ya rena beng.

³²⁴ Tate wa Legodimong, go ne batho ba bantši ba babjago fa. Gomme ba bangwe ba bona, Morena, ba sa dumela gore ba swanetše go ba le diatla tša bagolo di beilwe godimo ga bona. Seo se lokile, Tate. Re a tseba gore O rutile seo. O rile, "Maswao a a tla latela bona ba ba dumelago; ge ba bea diatla tša bona godimo ga balwetši, ba tla welwa ke maruru." O e tshepišitše, gomme batho ba dumela tshepišo ya bona. Bogona bja Gago bo fa. Ga go yo a ka belaelago seo, Morena. Gomme badiredi ba Gago ba ba beilwego šeba ba eme fa, ba beilwe ke Moya wo Mokgethwa, bodiredi bja go rapelela balwetši.

³²⁵ Bjale, Morena Modimo, a nke yo mongwe le yo mongwe yo re mo kgwathago, bosegong bjo, a fodišwe. Re rapela thapelo ya tumelo bakeng sa ba bjale. Re ya go dumela, gore, ge re bea diatla tša rena godimo ga bona, ba tla welwa ke maruru. Amene. Re bee seemong, Morena. Tloša sebe sa rena le bokgopo bja rena—bja rena. Re hlwekiše ka Madi a Morena Jesu Kriste, gore re tla... Diatla tša rena ga se tše kgethwa. Ke feelsa ka bokgethwa bja Gago re dumelešwego go dira se. Kafao e fe, Morena, ge ke ikgfafela nnamong, le sehlopha se sa banešu, gore re mo go thuša batho ba go fodišwa. E fe, Morena.

³²⁶ Gomme bjale ke rapelela batho, yo mongwe le yo mongwe yo a tlago go kgabola mothalo wa thapelo. O Modimo, ba tla mo o ka rego ba be ba tlela kolobetšo ya meetse, ba tla thwi tafoleng ya Morena, ba tla ka tlase ga sefapano sa Khalibari. Ge ba feta go kgabola mo, a nke ba lemoge gore Kriste wa go se bonwe Yo a emego magareng ga baena ba, o eme fa bjale go ba fa moputso wa tumelo ya bona. Gomme ke e gafela yohle go Wena bjale, Tate, Leineng la Jesu Kriste.

³²⁷ Bjale ke nyaka yo mongwe le yo mongwe gape, ebang le dihlogo tša lena di inamišitšwe. Theetšang sekgauswi bjale go ditaelo tša lena. Ge o sa dire, o no ba o tšeа mosepelo, le a bona. Bjale elelwang, ge Modimo a ka ntumelela go tseba maemo le go ya pele, gomme le dumela seo, le a bona, bjale e nong go tšeа lentšu la ka, le swanetše go dumela gore se se a e rarolla. Ge se sa dire, e ka go dira o be gampempe. Le a bona, e rarolla se sengwe le se sengwe! Ge o na le sebe ka bophelong bja gago, tšwela ka ntle ga mothalo gomme o ipolele sona. Gomme o se ke wa tla ka mothalong go fihla o rapetše go kgabola. Gomme ge o eya go Šomiša bophelo bja gago bakeng sa se sengwe ntle le letago la Modimo, o se tle mothalong. O a bona? Ge o loketše go dira go gafela go Kriste, o ineetše ka botlalo, le go kgodišega ka botlalo gore yo ke Jesu Kriste, Moya wo Mokgethwa wo mogolo wo fa; le gore o ya go amogela phodišo ya gago ge o feta go kgabola mothalo wo, ga go kgathale ge eba o ikwela go fapano, goba eng, o ya go phegelela go swarelela thwi go ditshepišo tša Modimo go fihla phenyo e etla, boka mosadi yola go feta re boletšego ka yena. A le ikwela ka tsela yeo, batheeletši? Ge o dira, phagamišetsa

seatla sa gago godimo, e re, "Ke amogela seo." Ga ke bone lebaka la e ka ba mang a yago ntle ga fa a babja, bošegong bjo.

³²⁸ Bjale ke le nyaka, seo ga se ka mothalong, go rapela. Ke a thankā Ngwanešu Joseph o ya go ema fa go hlahlā moopelo, gomme ke ya go fihla tlase fa, gore ke kgone go rapela, le nna, le go bea diatla godimo ga batho ba ge ba etla go kgabola.

³²⁹ Bjale lebelelang, bagwera, ditirelo di tla ba gosasa bošego. Ga re tsebe se se tla diregago, yo mongwe o a fodišwa, le go goelela le go tumiša Modimo, le go ya pele. Re ka no se phatlalatše semmušo lebakana bjale, eupša hle dulang gomme le rapele le rena. Re a le hloka gonabjale. Rapelang gore lenaba le ka se kgone go kgobokanya pelaelo e ka ba monaganong wa batho ba. Go ka reng ge yoo e be e le mme wa gago a eme fale, kgaetšedi wa gago, mosadimogatša wa gago, monnamogatša wa gago, lesea la gago? O be o tla nyaka yo mongwe go rapela go hlokofala ka kgonthe. Elelwang, ke mmago yo mongwe, kgaetšedi wa yo mongwe, ngwanešu, ngwana wa yo mongwe, gomme re nyaka go hlokofala ka se.

³³⁰ Gomme ge re rapela, ke nyaka lena banna, ka pelo ya lena yohle, ge le bea diatla tša lena godimo ga balwetši ba, dumelang gore Modimo o ya go dira motho yoo a fole, ka baka la gore ba ya go e dumela.

³³¹ Gomme bjale, gare ga bjale le gosasa bošego, gabaneng, pele ke etla sefaleng, gosasa bošego, go swanetše go ba mabopaki a makgolotharo goba a mane a eya thwi fa, a, "Ke be ke apere mahlotlo. Ke be ke le, gomme ga ke sa na le ona gape. Ke be ke babja, ga ke sa babja gape." Mo diiring tše masomepedi nne tše di latelago, bodiabolo ba tla be ba tloga lefelong le, gomme ka gobane ditšhegofatšo di bolelwa godimo ga batho.

³³² Bjale a re inamišeng dihlogo tša rena ge re rapela, yo mongwe le yo mongwe ge ba feta go kgabola mothalo bjale. Baena, e nong go bea diatla tša lena godimo ga balwetši. Go lokile.

³³³ [Ngwanešu Branham o ya tlase le badiredi, le go rapelela balwetši. Ngwanešu Joseph Boze o hlahlā phuthego ka go opela. Ga go selo go theipi—Mor.]

³³⁴ A ga le ikwele gabotse bjale? Ke ba bakae ba dumelago gore le fodišitšwe? Go feta go kgabola mothalo wa thapelo fa, nako ka morago ga nako ka morago ga nako, e diregile thwi fa, gore, pele ba eya kgole go tloga sefaleng, ke a dumela gore yo mongwe le yo mongwe wa lena o tla fola. Oo, ke—ke a e dumela. Ke e amogela bakeng sa lena. Tumelo ya ka e ya le lena, gore ba tla fola. A le dumela seo, baena? Oo, nna, a ga A makatše!

³³⁵ A re nong go opela bjale tumišo go Yena pele re phatlalatšwa. Gomme ka gona a re nong go phagamišetša diatla tša rena godimo, le go di swara godimo godimo. Gomme, elelwang, re kgabotše, hleng le sefapano, gomme fao ke mo re hweditšego Seetša.

Mo sefapanong, . . . pele ke bone Seetša,
Gomme morwalo wa pelo ya ka o tokologetše
kgole,

Oo, e be e le fao ka tumelo ke amogetše pono
ya ka,

Gomme bjale ke thabile letšatši lohle!

Mo sefapanong, mo sefapanong moo la
mathomo ke bonego Seetša,

Gomme morwalo wa pelo ya ka o tokologetše
kgole,

E be e le fao ka tumelo ke amogetše pono ya ka,

Gomme . . .



PHEGELELO NST63-1116E
(Perseverance)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Nofemere 16, 1963, ka Marc Ballroom ka New York, New York, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org